

新鄉縣續志卷二

職官志

職官志亦史之通例無論官之職不職但作吏是邦例得與其
列豈曰備員已哉蓋亦合覽斯志者考此官當日之治行有無
可稱則賢不肖判然矣願後之官此邑勤乃職勿爲斯志之玷
民之幸亦國之幸也

知縣

曹兆麟 廣西桂平人進士乾隆十八年任

江 壽 湖北漢陽人舉人乾隆十八年任

馬家良 安徽安慶人舉人乾隆二十年任

陳 篤 江蘇丹徒人舉人乾隆二十四年任

趙廷鼎 四川成都人舉人乾隆二十七年任

新編縣志卷二
周廷俊 正白旗漢軍乾隆三十年任

錢汝恭 乾隆三十六年任有傳

積善 滿州正藍旗人舉人乾隆三十八年任

魯英 江西新建人舉人乾隆四十一年任

薛祥 陝西韓城人舉人乾隆四十一年任

張敦緒

牛步奎 嘉慶二年任

方國士

王暘 進士嘉慶十二年任

金潤生 舉人嘉慶二十一年任

熊如洵 道光二年任

費升 四川人

胡之富 道光十年任

朱士廉

王希旦 道光十七年任

謝益 道光二十九年任

彭鳴盛

陳桂齡 咸豐元年任

吳芳齡 咸豐三年任

視壇 咸豐五年任有傳

劉時珍 南海縣人咸豐九年任

寶森 咸豐九年任

鄒鉞 咸豐十年任

丁世選 癸丑大挑咸豐十一年任

趙寶仁

葉爾安

浙江仁和人同治元年任

張嗣麒

順天宛平人同治元年任

李向宸

奉天人盛京宗學教習同治六年任

多仁

滿洲人同治七年任

白渠

順天通州人同治八年任

孔廣電

山東曲阜人癸丑大挑同治八年任

汪時澧

安徽景德人同治十年任

朱拱宸

江蘇武進人揀選知縣同治十二年任

胡燕清

光緒三年任

汪慶長

光緒五年任有傳

潘鍾瀚

江蘇溧陽人光緒七年任

趙鼎五 陝西蒲城人進士光緒九年任

姚允寬 光緒九年任

孔憲溥 直隸獻縣人庚辰大挑光緒十年任

李名堦 廣東東莞人光緒十一年任

羅梁材 廣西蒼梧人光緒十一年任有傳

周元釗 江蘇吳江人光緒十一年任

余嵩慶 湖南武陵人進士光緒十三年任

凌夢魁 安徽定遠人舉人光緒十四年任

熊奉章 湖北松滋人舉人光緒十六年任

李振聲 奉天廣甯人光緒十七年任

魏正儒 四川新都人舉人光緒十八年任

張力堂 直隸完縣人舉人光緒二十六年任

魯恒祥 正白旗漢軍舉人光緒二十八年任

周士廉 直隸甯河人光緒二十九年任

丁炳文 江蘇宜興人光緒三十一年任

韓兆瀛 順天大興人光緒三十二年任

王宰善 江蘇上海人宣統元年任

郭寶清 山西長治人揀選知縣宣統元年任

楊守潛 直隸鹽山人舉人宣統二年任

徐引源 直隸遵化人宣統三年任

唐淮源 四川樂山人舉人民國元年任

劉青選 河南密縣人舉人民國二年任

陸藁 江蘇吳縣人民國三年任

呂相曾 山東萊蕪人民國四年任有傳

何嘉澍 浙江蕭山人舉人民國五年任

車雲 江西金谿人民國七年任

楊文煥 陝西朝邑人拔貢民國七年任

韓邦孚 山東蓬萊人民國八年任

盧耀 山東濟陽人民國九年任

郭懸河 河南臨汝人民國九年任

李嘉臨 江蘇吳縣人民國十年任

璩詩壇 安徽桐城人民國十一年任

蔣濬川 京兆人民國十二年任

教諭

王智 甯陵人舉人乾隆十九年任

段象觀 濟源人舉人乾隆二十三年任

靳增 尉氏人舉人乾隆二十六年任

湯來泰 睢州人廩貢乾隆四十一年任

劉文英 鞏縣人舉人乾隆五十年任

孫寅柄 禹州人舉人乾隆五十二年任

趙鉞 臨漳人舉人嘉慶二十二年任

葉梓林 正陽人廩貢道光二年任

羅萬九

魏耀南 道光二十九年任

龔淮 鄧州人舉人咸豐八年任

王宗運 商城人舉人咸豐九年任

楚書耀 虞城人舉人同治五年任

鄭瑞清

張 燠 儀封人舉人光緒三年任

李汝梅 泗水人貢生光緒十一年任

徐如礪 鹿邑人舉人光緒十一年任

方連泚 羅山人舉人光緒十六年任

陳凝之 臨潁人光緒十八年任

李大玉 魯山人光緒二十三年任

秦文炳 唐縣人光緒二十三年任

殷雲亭 襄縣人廩貢光緒二十三年任

上官濟清 光山人舉人光緒二十五年任

崔壽祺 光山人大挑二等宣統元年任民國五年奉裁

訓導

劉 枚 洛陽人歲貢乾隆十六年任

謝尊爵 陝州人歲貢乾隆十九年任

劉利器 鄧州人歲貢乾隆二十五年任

申一乾 武陟人歲貢乾隆二十八年任

銀文辛 臨潁人廩貢乾隆三十六年任

張 垲 考城人歲貢乾隆三十九年任

郭興賢 裕州人廩貢乾隆四十二年任

陳有璋 汝州人廩貢乾隆四十四年任

孟思訓 杞縣人歲貢乾隆五十二年任

葉梓林 正陽人貢生道光三年任

梁 本 道光二十九年任

丁騰言 鄧州人貢生咸豐十年任

薛 孜

張鶴洲 內黃人貢生

高迎瑞 郟縣人光緒六年任

林東郊 洛陽人舉人光緒二十三年任

劉金聲 許州人光緒二十三年任

馮廷傑 光州人

彭爛光 宜陽人光緒二十五年任

周德芑 商城人光緒二十八年任至光緒三十一年奉裁

縣丞

劉鏞 山東汶上人監生乾隆二十一年任

張方載 甘肅伏羌人舉人知縣借補乾隆二十七年任

范用梅 浙江鄞縣人監生乾隆四十二年任

柳遂夏 河南太康人貢生以州同借補乾隆四十三年任四十

六年十月奉裁改歸申宰下流

典史

周駱

茂州人乾隆二十四年任

王永

陝西人乾隆二十七年任

張其翔

大興人乾隆三十四年任

陶廷玉

宛平人乾隆四十六年任

葉凌垣

張君培

張繼文

光緒三年

李壽華

李鴻謨

顧善述

邵琇

蕭長清

道國棟

吳應泰

郭卿雲

光緒八年

鍾觀震

張增祜

鄭如洋

楊裕仁

劉鍾英

陸鈞

王祖壽

何延緒

張石弼

余翼龍

厲景官

管獄員

李樾藩

凌誦芬

張韓良

高順則

新鄉縣續志

選舉志

自科目取士而鄉舉里選之法廢乃曆代志乘不曰科目猶名之曰選舉豈名實故異哉蓋徵取士者於科目中不忘古者選舉之遺意耳豈惟科目即異途雜進亦應顧名而思義若名是而實非則選舉之蠹也非曆代志乘之微旨矣

進士

附恩賜翰林

民國衆省議員

郭祥瑞

道光丁未戶部主事有傳

白潤

道光丁未即用知縣分湖北有傳

王揆一

道光丁未即用知縣分湖南有傳

馬雲昭

道光己未禮部主事有傳

杜來錫

咸豐癸丑工部主事有傳

張時中 咸豐庚申即用知縣分貴州有傳

杜世銘 咸豐乙未即用知縣分福建有傳

衛榮光 咸豐壬子翰林院庶吉士散館授編修有傳

王安瀾 光緒庚寅翰林院庶吉士散館授編修有傳

夏奠川 光緒甲午即用知縣分浙江有傳

李 儉 嘉慶間恩賜翰林院檢討

張耀彩 恩賜翰林院檢討

孫日安 恩賜翰林院檢討

司代傳 道光間恩賜翰林院檢討

張善與 民國二年衆議院議員

張向晨 民國二年河南省議會議員署滎陽縣知事

杜常立 民國七年河南省議會議員署宜陽縣知事

楊錫華 民國十年河南省議會議員

按會典鄉試中式曰舉人會試中式曰貢士殿試分三甲一甲三人賜進士及第二甲賜進士出身三甲賜同進士出身朝考分三等一等欽點翰林院庶吉士入庶常館肄業三年散館除留館者入翰林院充編修檢討外餘皆分部選知縣二等分部主事三等分省即用知縣其三等末十名例爲歸班謂歸部候選知縣也亦准呈請改教授謂之正途光緒三十二年詔停科舉此典遂廢

舉人 附民國大學畢業生

郭 瑛 乾隆庚午有傳

馬起元 壬申

王日俞

楊貴先 辛卯

周 濂 丁酉北關知縣

李 桂 丙午

孟天馥

癸卯就知縣職
之哲孫有傳

王允聲 辛丑

張昭文

戊申有傳

馬席衡 嘉慶戊午有傳

馬席聘

庚午有傳

程應霖 丁卯恩賜

王增睿

丙子

梁德昭 戊寅歷任湯陰固始圍城
縣教諭

王榮錦

己卯

任廷璇 己卯

郭宗模

辛酉

梁翠峯

郭宗芬

道光乙酉有傳

郭占龍 乙酉甲辰大挑二等尉氏
縣訓導

郭祥瑞

甲辰北關

白潤 甲辰

王揆

乙未

郭祥椿 辛卯有傳

衛家麟

甲午甲辰大挑一等廣
西試用知縣有傳

衛榮光 丙午

馬雲昭

壬子

張時中 庚子亞元

張輔之

庚子洧川教諭

閻逢辰 庚子鄆師縣教諭

杜來錫

壬子

王寅寔

戊午

司東棟

戊午有傳任溫縣教諭

杜世銘

戊午

杜世英

乙未辛未大挑二等通許縣教諭

王文魁

戊午

王錫侯

同治庚午有傳

宋作霖

庚午

呂硯澂

庚午

金耀祥

庚午有傳

袁景閔

光緒丙子有傳

田芸生

壬午戊戌大挑一等湖北試用知縣曆署應城巴東

王安瀾

乙酉

王蔭堂

己丑
鍾祥縣知縣署安陸府知府記名道尹

王連中

己丑

張修祖

丁酉

夏奠川

己丑

游青田

丁酉民國三年考取知事分發安徽

王安來

庚子辛丑併科

杜芸生

河南高等學堂畢業

楊錫華

高等大學畢業

郭荃階

河南高等學堂畢業
有傳

張雲如

高等大學畢業

黃守統

河南高等學堂畢業

張善與

日本早稻田大學畢業

下德合

日本早稻田大學畢業
有傳

杜常立

直隸法律專門學校畢業

黃維新

日本早稻田大學畢業

楊臨溪

直隸法政學校畢業

杜常縉

直隸法政學校畢業

張廷儒

河南法政學校畢業

張慶清

直隸法政學校畢業

王常懿

河南法政學校畢業

張淦清

河南法政學校畢業

李憲元

河南法政學校畢業

張清鐸

河南法政學校畢業

杜捷三

河南法政學校畢業
九江地檢廳檢察官

荆樂天

河南法政學校畢業

張星耀

河南法政學校畢業

孟希泗

河南法政學校畢業

王履中

河南法律學校畢業

穆永瑜

河南法律學校畢業

賀玉閣

河南法律學校畢業

石寶珩

河南法律學校畢業

劉承宗

河南法律學校畢業

趙興國

河南法律學校畢業

王福壽

武昌高等師範學校畢業

崔玉琪 河南法律學校畢業
馮瑞圖 武昌中華大學學校畢業

王忠敬 武昌高等師範學校畢業
石維藩 武昌中華大學畢業

魏治平 武昌中華大學畢業
呂硯瀾 武昌中華大學畢業

郭清泉 武昌中華大學畢業
呂書燦 武昌中華大學畢業

劉成田 武昌中華大學畢業
原興芳 武昌中華大學畢業

劉文華 北京高等師範學校畢業
魏長信 武昌中華大學畢業

黃守性 北京高等師範學校畢業
李鳴謙 北京高等師範學校畢業

黃守璠 北京高等師範學校畢業
夏治範 北京大學畢業

趙金堂 北京中華大學畢業
李恩榮 河南法政學校畢業

田文荃 北京陸軍大學畢業
祖振邦 河南高等師範學校畢業

田文藻 湖北陸軍測繪畢業
郭曉鴻 河南農業專門學校畢業

劉長花 河南農業專門學校畢業
李毓秀 河南農業專門學校畢業

杜常懿 河南農業專門學校畢業 劉宜松 河南農業專門學校畢業

荆夢乾 河南高等師範學校畢業 周瑞岐 河南高等巡警學校畢業

王運來 河南高等師範學校畢業 楊鳳翔 河南高等巡警學校畢業

羅凌雲 河南高等巡警學校畢業 劉士元 河南法政學校畢業

張心恠 河南農業專門學校畢業 周世賢 河南農業專門學校畢業

馬雲慶 河南農業專門學校畢業 黃守法 河南農業專門學校畢業

祝應心 河南高等師範學校畢業 馬應龍 保定軍官學校畢業

張文清 保定軍官學校畢業 暢文彪 中央模範團畢業

按會典每三年大比子午卯酉開鄉試辰戌丑未開會試自明

以來沿為成例光緒三十二年停鄉會試乃趨重學堂

保舉

王九麟 庠生嘉慶十八年教匪亂練勇防守出力由知縣保授武信郎

趙浚

廩貢生任涪川教諭保升知縣歷任內邱隆平保定懷柔知縣

王化岐

咸豐十一年籌防出力保縣丞獎六品銜

馬少波

廩生籌防出力保訓導

郭祥楸

廩生籌防出力保訓導任商城縣訓導

鄉貢

恩拔副歲優

楊正紀

歲乾隆十九年馬超凡

乾隆恩

文日昌

歲官羅山訓導

楊貴先

乾隆拔

周濂

拔

李培連

歲

郭汝靖

歲有傳

張狷

歲

常大伸

歲

杜藩臣

恩

文正

歲

張資涸

歲

劉鳳舞

歲官密縣訓導

孟淑孔

乾隆壬午恩候選教諭之哲子

于宏文

歲

王應命

歲

張錞

恩

呂周封

歲

張應燊

庚寅副有傳

楊正已

歲

張照書

已卯副

王多恩

郭澆歲有傳

李春風恩

張克興歲候選訓導

王鑄歲

楊春召歲

王枚功嘉慶元年恩

李景曾丙子副

暢德輝恩

李殿鰲歲

孟天柱乙卯副就職州判之哲孫有傳

郭毓駿歲

孫狙歲

馬誠勳歲

劉濟潤恩

朱杲拔有傳

游鑄歲新野訓導

趙良玉

任光宗恩

曹師植拔

曹家駿

茹復初歲

游鑑

孟潤邦

茹復純辛亥恩

茹復峻歲宗澤縣訓導

文謨歲

郭祥椿道光乙酉拔

杜來琪

趙椿

孟昭渭癸未歲祥符縣訓導有傳

趙璫

傅鈺歲

周化南

趙崇恩

楊明堂甲辰副

王銘鑑

歲賢良方正有傳

王大興

歲

杜來錫

甲辰副

姜玉衡

歲賢良方正有傳

張士貞

拔有傳

游棣

丁酉拔有傳

郭祥瑞

癸卯優

郭淳熙

楊顏書

拔

周純

歲

馬乾

耿龍書

壬辰副

孟炳秀

孟天寶

張子誠

歲豐四年歲

閻亮彩

歲林縣訓導

閻象賢

郭寶樹

辛酉拔有傳

閻逢乙

恩

丁恩濡

張世同

歲

杜常榮

歲

張君弼

歲

杜常恭

同治壬午副

史德昭

鄒化南

呂蔭堂

歲有傳

王法夔

戊午

朱榮

張錫朋

歲有傳

王蘭皋

歲

李耀林

郭祥杞

歲

張恕增

歲有傳

劉其清

戊辰歲

杜世椿

歲有傳

李向榮

歲有傳

張紹廣

朱鈍

有傳

朱鈞

歲有傳

杜逢酉

韓泰來

歲

王宜熾

李成蹊

有傳

牛應宿

癸酉拔有傳

梁謹庠

歲

郭宗年

歲

王蔭堂

癸酉拔有傳

馬少波

歲有傳

李曰新

歲

杜世泰

李德恒

杜世泐

恩

劉裕如

光緒元年歲有傳

王道全

歲有傳

任樂三

趙鋒銳

崔錦屏

歲有傳

崔桂芳

歲

朱孔陽

朱燮愷

有傳

張誠增

郭增五

段休徵

歲有傳

任開運

歲

郝純顯

恩

張恒上

乙酉拔有傳

杜世有

歲

張紹性

有傳任新安縣教諭

趙一揆

辛卯副

杜世昭

司金鑑

歲

劉崇素

有傳

呂錦雲

孔昭潛

郝祥雲

恩有傳

李雲杞

丁酉拔

王履道

歲候選訓導有傳

衛延齡

丁酉拔有傳

崔鳳岐

劉玉桂

杜異三

歲

李蓮溪

石振聲

歲有傳

劉廷傑

王子敬

銀興邦

栗興周

歲

趙瑞綬

張子定

已酉恩有傳

王同善

崔鑑塘

呂硯慶

歲考職以縣丞用分江蘇

杜殿甲

張子常

段鴻儒

宣統已酉拔

張廷儒

已酉拔署直隸武邑縣知事

余樂義

歲

馬龍臣

已酉拔

張積恩

歲山東州判

朱希濂

恩有傳

按本邑學額十六名又撥府學四五名作爲附生光緒三十一

年停考廩增生額各二十名宣統三年裁

歲貢生年一人停考後一年二人恩貢生遇恩以廩生之最先者充之次廩爲歲貢停考後無恩貢

拔貢生十二年一人宣統二年已酉止

優貢每科場後考取優生之最優者每道一人停科後停考副貢每科副榜無定額停科後止

武途

張立中 道光甲子舉人

李玉樹 武舉

杜繼貞 丙午舉人

劉鳳池 癸卯舉人甲辰進士官侍衛任湖南永明縣守備

劉永新 道光乙未舉人丙申進士官侍衛仕廣東守備

張明山 咸豐乙卯戊午併科舉人

劉永乾 道光乙未舉人庚子進士官侍衛

張鍾元 咸豐七年舉人

徐養體 咸豐戊午舉人曆署延津獲嘉輝縣把總

劉振清 舉人

王堂

庚子舉人

劉萬春

同治癸亥舉人

張青蓮

辛酉舉人

王玉林

庚子舉人髮匪圍懷慶長
効以功保把總

楊學孔

舉人

范清元 翎 揮 勳 王建綱

由武生以軍功任都司

孫文輝

舉人候選都司任浙江
撫標都司

文照樓

光緒四年任山東曹州府
參將

王金寶

由武生以軍功任守備

田文荃

步兵上校公府侍從武官

許靜塘

由武生曆署淇縣獲嘉
把總

李鴻勛

步兵上尉河南陸軍礮營
連長

田文渠

步兵上校江蘇督署參
謀

劉亞全

直隸第十九師軍需官

呂鴻勛

步兵中尉陸軍第九師
排長

馬應龍

江蘇排長

李金聲

陝西排長陣亡

暢文彪

陸軍步兵上尉

按歲考武童取十六名作爲武生准入武鄉試光緒二十年停

考並停鄉會試

雜進

劉錫光

直隸武清縣楊村驛
縣丞布政司理問

劉寶仁

江蘇候補通判

王鳳岐

署羅山縣教諭

王鳳梧

署商水縣
教諭

劉體仁

山西右玉縣右
堂

田蔭生

附貢生湖南候
補知縣

劉鴻遠

湖北補用
巡檢

張錫智

江甯江東司巡
檢

李恩榮

法政學業民國
任警署官獄員

呂硯慶

江蘇縣丞

張星耀

附生民國任寶
豐縣管獄員

衛昌齡

附生湖廣補用
知縣

衛獻瑤

附生安徽
補用知縣

衛獻璜

附生山東候補
縣丞

李 葉

國務院秘書廳
繕校處主事

封廕

孟世書

以子之哲貴封文林郎

孟翼孔

以子天馥貴封文林郎

馬蓉溪

廩生以子席衡貴贈修職郎

杜繼瑗

監生曆任甘肅階州岷州安西直隸州吏目以子來錫貴
封奉直大夫晉贈榮祿大夫有傳

杜來悅

廩生以子世銘貴封奉政大夫晉封朝議大夫

杜來咨

附貢生署鳳陵縣訓導以姪世銘貴贈奉政大夫

杜夢熊

監生湖北石首縣典史以孫來錫貴贈奉直大夫晉贈榮祿大夫

杜繼師

庠生以孫世銘貴贈奉朝議大夫

王克儉

以嗣子揆一貴贈中憲大夫

王克勤

以子揆一貴贈中憲大夫

趙鵬翥

以子珂貴贈奉直大夫

趙珂

以孫浚貴贈奉政大夫有傳

趙汝棠

增貢生以姪浚貴贈奉政大夫

趙汝桂

以子浚貴贈奉政大夫

趙汝松

以姪浚貴贈奉政大夫

劉大信

以子永新貴封昭武都尉

郭殿元

以子祥瑞貴贈資政大夫

白相臣

以孫潤貴贈奉政大夫

白天祿

以子潤貴贈奉政大夫

衛殿華

庠生分發貴州吏目以孫榮光貴贈光祿大夫

衛世傑

廩貢生曆署魯山河內縣教諭湯陰密縣訓導以子榮光

范聚

武畧騎尉祀忠義祠有傳

王錫侯

以父忠烈公殉難三河鎮世襲雲騎尉

姬廷瑚

以父克廣殉難世襲雲騎尉

王印

以子安瀾貴贈奉政大夫

田松林

以子芸生貴封文林郎贈奉政大夫晉贈朝議大夫有傳

新鄉縣續志

賦役志

國家之有賦役乃民生國計之大關鍵世之治亂興衰即因之故歷代之興也莫不注重於減賦稅輕徭役而其衰也繁費無等賦役倍增國亂民貧遂以不社清自康熙頒永不加賦之制而人心允孚乾隆間又納丁於地而民以不擾終清之世雖極困難無敢輕議加增賦役者近則舊制無效變置多端矣民之負擔日增國之困窘日甚豈賦役之不足充國用哉竊願當事者覽賦役全書默體治亂興衰之故亟起而挽救之則不獨一邑之幸福也

核減碾地糧米乾隆五十八年知縣錢汝恭詳請奏准核減縣南趙村賈屯等五十餘村民糧爲碾糧二百五十四頃餘每地每畝

折征銀一分七厘零三絲四忽礮地米每畝三合三勺每斗礮米
征錢二百八十八文永不增減

額征地數共額征地六千五百八十八頃二十七畝內除逃亡故
絕停緩地二百三十五頃六十三畝一分九厘零七絲又除鐵路
購佔地四十六頃三十畝零三分七厘六毫實應征地六千三百
零六頃三十三畝一分九厘

額征地丁銀數共額征地丁銀三萬三千九百一十二兩七錢一
分二厘內除逃亡故絕停緩及鐵路佔用地銀一千四百五十九
兩三錢八分六厘實應征銀三萬二千四百五十三兩三錢二分
六厘

查上等社地共五十四頃七十二畝每畝額征銀六分一厘二毫
八絲四忽按十六畝征銀一兩

中等民熟地共五千三百零六頃六十八畝每畝額征銀五分四厘八毫三絲九忽按十八畝征銀一兩

下等衛所地共九百七十二頃七十六畝每畝額征銀四分一厘四毫八絲六忽按二十四畝征銀一兩

次等民礮地共二百五十四頃一十一畝每畝額征銀一分七厘三毫三絲四忽按五十七畝征銀一兩

光緒三十年民國元年道清路續購佔地九畝九分七厘六毫
宣統二年民國三年京漢路續購佔地三頃四十六畝零三厘

車馬帶征民國三年知事劉青選以車馬錢附糧帶征經民政長張電示按每畝十二文計算每銀一兩加錢二百文永不增減

密縣劉青選佈告文新鄉車馬一項向歸都衛所大戶經管按畝收捐每畝有收錢十七文或數文不等多寡有無參差不齊

嗣於光緒三十四年經徐前縣稟明改爲按糧出捐仍由大戶代收雖收數稍減而辦理仍不一律民國改元迭經縣議會議請平均收數並改隨糧帶征迄未實行本知事查得此項車馬歷來多寡有無苦樂不均推厥原因蓋緣前清時代雜差繁多故車馬一項不免此有彼無或此多彼少民國以來各色雜徭悉已裁免僅車馬一項誠如縣議會原案所陳同爲一般人民應盡同等義務若不平均負擔殊不足以昭公允第念連年荒歉民力困難若照舊案規定每糧銀一兩應收車馬錢三百數十文本知事體念民艱前經呈請省長擬改隨糧帶征每糧銀一兩收錢一百文旋奉憲示以所減過多礙難照辦復經本知事據實復呈按都衛兩項地畝每畝收錢十二文現奉省長電示照准自本年爲始嗣後無論都地衛地每完丁地正銀一兩

均隨糧收納車馬差錢二百文此外別無雜差名目以昭平允而歸劃一此次係按丁地行糧改定車馬收率與向來之按畝抽捐情形迥異蓋行糧地畝原分上中下三等膏腴之地糧則必重沙瘠之地行糧必輕地既厚薄不同糧亦等則各異故照糧銀收捐辦法極爲平允合行佈告卽仰閭邑人民一體遵照規定車馬差錢數目隨糧銀數核算清交其各慎遵勿違

增加附稅民國四年財政廳顧歸愚呈准增加附稅按每畝加錢六十文攤合每銀一兩加附稅錢一千一百一十六文嗣經知事何嘉澍迭據紳民呈懇核減蒙兩次酌減收錢九百一十四文而仍覺太重卒經省議會議決此項附稅作爲抵補金普通各縣按減半徵收新鄉每兩應收錢四百五十七文以六年五月七日爲始

改折銀元民國七年財政廳蔣懋熙呈准完納丁漕改折銀元每銀一兩改征銀元二元二角小糧改征二元漕米每石改征五元
漕漕每石折征二元五角

按完納丁漕向例每銀一兩收錢二千六百文每上漕一石收錢六千文又漕漕一石收錢二千八百八十文茲經改收銀元在當時自係按照市價折合無大出人而銀元增漲至一千六七百文則每銀一兩竟完錢三四串文每漕一石竟完錢八九千文且初以不能改折銀元始增加附稅而既經改折銀元附稅仍不能取消地力之出產幾何能堪此重賦耶是望實心爲民之長官設法輕減則民之福國之幸也

加收串票民國七年知事車雲奉督軍省長指令就原有警備隊五十名添招五十名改編地方巡緝隊呈准於丁漕串票項下每

張收錢三十文充餉

按丁漕串票錢每張向例六文至此竟加至三十六文

減徵耗米並減征正米銀元民國九年奉大總統令減征耗米八百二十八石四斗九升八合五勺按五元折合銀元四千一百四十二元四角九分二厘又除耗應征正米五千五百二十三石三斗二升三合五勺每石准減銀元八角六分二厘共應減銀元四千七百六十一元一角零六厘

按此次丁漕改折銀元當事者並未深悉底細亦未察酌重輕不有人焉出而審查辨駁其偏枯不堪誰知矜恤幸賴熱心毅力魏聯奎諸公聯合旅京旅汴諸同志設立漕糧商榷會力爭千回百折歷二年之久始得勉如所請酌減耗米並減征正米銀元雖因時艱財困未從根本上解決而民之負擔已稍輕矣

案結後所有印書勒碑及抵補京津兩會墊款辦理善後一切雜項代表全體議決各縣均按一年減數百分之三攤還本縣應攤銀元二百六十七元連前攤會費十五元共洋二百八十二元由公款局兌交以多年重累一旦減輕不能不感商榷會諸公之賜也

減征漕糧碑記 九年立於公款局

邑人田芸生撰竊維河南一百八縣漕運定制各按地丁勻派本無有漕無漕之分自清康熙間變通舊制令近河各縣代辦漕運紛紜錯雜不免偏枯然猶扣解以資抵補雖曰不均未重民困民國肇造以來凡有興革應從民意豈容復有偏枯重困吾民乃前財政廳丁漕改折一案不審輕重任意增加大拂輿情怨咨以起吾豫在籍紳耆魏聯奎等出而抗議爲民請命援

古証今奔走呼籲幾於舌敝唇焦始承允將耗米增收之數酌量削減雖未回復原則平均漕額而下情卒能上達重負得以稍輕則非大總統之寬仁及我諸紳耆之熱心不及此吾新爲有漕州縣之一奉令得減耗米及除耗應徵正米之數合亟勸石俾衆周知爰爲之記冀垂永久

按每畝改徵槽米一升零九勺二撮每斗改徵槽米八升六合九勺五撮七抄每米一石改折銀洋四元一角二分八厘礮地米每石改折二元零八分七厘

新編興義志卷二

四

三

新鄉縣續志

兵防志

考舊制凡驛路所經五里一卡十里一舖二十里一墩堡塘汛驛站保甲又脈絡於其間皆置兵役更夫以護送行旅盤查奸宄爲職務法至嚴也余幼時猶及見之而已成具文但遇督撫大閱則沿途一修整之塗飾觀瞻毫無實意然鎮標於所轄境內擇其要隘繁富之區駐兵數隊戒備不虞各州縣於城關市鎮間亦責成紳耆地保編門牌嚴更柝凡以防盜賊安良善也猶有古意之存今則此制久廢矣葢荷潛熾所在多有或乘隙而越人於貨或嘯聚而搶劫市廛兔起鶻落飽即遠颺十無一弋獲者豈宵小之果無忌憚亦衛民者之漫無警備耳誠以根本之教衰時移勢殊古制未可過泥然從今之制如警察巡緝

新編縣志卷二
三十一
其所以預爲之防者亦必有道若徒襲其迹而遇事變之來汲汲乎從其後以治之嗟何及矣豈與具文之古制有以異乎是所望於實心衛民者

嘉慶十八年滑縣教匪倡亂城鄉一夕數驚邑人趙珂捐募丁壯千名衛城城賴以安

咸豐五年連庄會張炳因爭土方加價事設局於龍泉寺時知縣祝壇初蒞新炳率衆圍縣署搜查軍械殺門丁楊某並差役六人以去旋圍城火攻東門幾至失陷公飭范聚劉玉季等率勇士竭力禦禦十餘日未得入而大兵至陣於南壇之西戰逾數時炳衆潰逃嗣知府蔣飭勇搜查殃及無辜頗多祝公力請奏停土方加價嚴懲首犯數人餘概不問事乃定自此行保甲法講鄉約別良莠信賞罰四五年間風化大行

咸豐十一年獲嘉人李占標以知縣趙寶仁排挖城濠挾眾毆官
趙知李爲張時中遣散之勇目請爲調解張至中和鎮多方勸諭
李已服從惟要求大戶作保趙不能辦而密稟竟以張爲賊首李
遂糾眾圍獲城張伺隙出險渡河晉省見嚴撫樹森得無事大兵
至獲李敗犬掠而東十一月勾結東匪西竄騷擾新獲間所過裹
脅焚掠大兵乘之得小冀鎮勇出而助戰一擊而潰逃匪多爲鄉
民所殺數月而事平

同治六年十二月擒匪張總愚率眾十餘萬踰河而東所過裹脅
焚掠殊甚鄉民皆逃城避亂七年春該匪復由東北迴竄城鄉共
繕守備相戒無驚閱二十餘日始解嚴然鄉民男婦義不從賊甘
以身殉者頗多自此各鄉增築堡寨以備不虞官亦獎勵有加
光緒二十六年拳匪肇亂聯軍入都清帝西巡一時人心風鶴河

北道岑春榮在彰德設籌防局以備不虞飭下州縣一律照辦新
邑籌防局設南街火神廟總辦衛延齡李廉泉副之一時農商各
界情切保護桑梓樂輸巨款監造軍械火藥等件且招防隊三哨
日事訓練藉資防衛拳亂旋平和議成立此局撤銷軍械諸事存
儲公款局

民國元年二月在園變起皆蚩蚩之氓惑於施道士妖言與漢擺
堂聚會聲稱舉火爲號攻城殺掠鄉人紛紛逃難知縣徐引源閉
城三晝夜賴駐新毅軍營長梁得勝擒斬二十餘人亂乃止

民國元年有施道人不知何許人左道惑人入教者出錢一百
八十枚書冊名曰在園擇期夜會同黨皆至上座儼如王者且
有九門提督諸職銜名爲救難爲盟各受秘旨謂之擺堂據云天
下將亂屆期掛牌於門不遭兵劫名曰無事牌人心畏死隨者

蝟集雖縉紳不免舉事之日匪首臉塗硃墨嘴懸紅鬚如演劇然乘牛車黨人執械相衛每至村首命人接駕鄉人驚懼扶老攜幼擁避入城謠言大隊將至知事徐引源無應變才閭邑諸紳恐誤大局商長李鳳儀稟留駐新毅軍管帶梁得勝畫抵禦策計非擒斬兇焰不戢從此各受方畧四面緝捕有得匪人舉火圍城之號者梁卽率隊宵赴城南舉火誘之擒數人拂曉斬首示衆妖霧頓息吾邑生命財產不付灰燼皆梁之力也當是時梁擬勦撫并用不忍多戮乃匪愍不畏死有言能飛者有言刀不能傷者試之皆不驗雖劫運使然而左道錮人牢不可破亦可慘也然施道人杳如黃鶴而盲從者轉罹於禍猶不自悟乎忠告吾人嗣後倘有借此煽惑慎勿再蹈覆轍也

民國二年春知事劉青選創設守望總社募馬步隊五棚以資防

衛邑人衛獻璜田蔭生先後董其事後改名警備隊

民國六年夏知事車雲奉督軍兼省長趙倜訓令改編警備隊爲巡緝隊就原有之五棚添募三棚置隊官一員隊長三員任西街忠義祠又置新輝獲洪四縣領官一員任西大王廟

民國九年春三月成慎孫會友等以彰德兵變意在南下駐新直軍旅長蘇世榮力任保境安民防禦甚嚴變兵未得入而潛踞離城二十五里之潞王墳五陵等處趙傑率宏威軍抵河屯與戰敗之變兵退至汲縣直魯豫巡閱副使吳佩孚又破之始各鳥獸散而五陵河屯一帶十餘村牲畜財物損失頗巨

民國十一年冬知事璩詩壇奉督軍馮玉祥訓令改組巡緝隊爲武裝警察隊置隊長一員減馬步巡警爲三十名任西大街忠義

祠內

地方警察所創辦於清季以舖捐爲經費巡警三十名城內十名
置巡長一員任馬王廟城外二十名置所長一員巡長一員任西
火車站

新鄉縣續志

風俗志

風俗與政教爲轉移今昔固不相同而入境問俗知所以治則賢有司之責也新鄉古稱敦樸今稍替矣卽舊志所載閭百有餘年已不免有今昔之感此後知復何似然采風問俗美惡必書未始非政教之一助唯留心治術者覽焉

士尊孔教幼學皆讀四子五經稍長習文藝卽知敦品勵行束身名教如有玷膠庠咸恥與伍科舉停後庠序中人多改習農商醫術家塾猶先習孔子孟再入學校惟學校章程非貧士所能貫徹故中小畢業者又多半途而廢

農最勤儉能世其業者多至豐裕各鄉富戶以苦力起家者十居八九惟稍能豐裕子孫便習於游惰故能致巨富者亦鮮

工以泥木爲最多鐵工銀工織染工次之然一得自喜不求精進故技擅精良者少

商業向守敦篤信實和平不尙奸詐以此致富者不少近年鐵路交通以機警爲能事奸詐百出奢靡成風外飾雄富內實空虛往往周轉不靈輒至虧倒而違禁販烟土藥丸者尤作奸犯科爲商界羞

男務正業忠厚老成人皆敬重之若不務正業雖奸巧致富人亦鄙薄之民國以來連年水旱游手無業之民入軍隊者不下數千

人生活日高人工益貴

女務紡織縫紉養蠶者少城市尙奢華鄉間仍敦樸素近以鐵路交通五方雜處習爲侈靡雞蛋廠開打雞蛋之女工亦競修飾而風俗日漓

結婚必憑媒妁貧家有索財禮者有索衣飾者中產之家則否憑媒說合各無異言彼此過知帖男家畧備首飾女家報以筆墨書具各款媒妁以酒食亦有先下定帖直至婚娶時方過聘禮者婚娶之前先下請帖再送婚書名曰送好拾盒送禮曰通信盒臨期親迎請親族長者一人導往曰引禮有娶送女客若不親迎則僅用娶女客否則用一童子壓轎近有親迎不用娶送女客者較尤省事鼓樂儀仗轎之多寡貧富不同然至簡必用花轎一乘响器四名鄉間亦有用車者新婦入門拜天地後入房更衣少息出拜親族長者曰上拜夜擎花燭晚輩者相率調笑喧鬧曰鬧房婚娶次日母家來看女曰送飯女偕壻回母家瞻拜曰回門至九日母家來接女回曰叫九女回母家住至九日日住九送女還家曰送九至期月再接女回曰叫對月過此則去住不拘時日惟新

年赴母家拜年當日即回不准住初六日再接女回十二日必送還不准過元宵俗云閨女不看娘家燈二十日可再接回或住一春亦可麥日必送還麥後再歸甯俗云拍罷麥打罷場誰家閨女不瞧娘午節秋節均接女過節惟初伏腊八二十三祀竈前必送還習以爲常俗云一年媳婦半年家然一二年後則不拘此例矣初生男女三日報喜拾禮盒用米麵雞酒之類男用雄雞女用雌雞母家但受酒餘物各添少許雞之雄者配以雌雌者配以雄仍令抬回亦有牽羊者須添配一羊否則折羊錢越五日母家備禮叩喜男家擇吉請酒謂之喫麵母家贈小兒以首飾衣物之類厚薄不等親友亦以雞酒致賀彌月後母家來接女回謂之叫住滿月

喪於初逝必購紙紮車馬燒之謂之領魂車單日成殮三日從俗

諷經謂之倒頭經七日開香行成服禮士大夫家用之每七必祭
如有一子則一七不祭二子則二七不祭以五七爲滿至百日再
祭周年再祭以三周爲滿葬時行禮儀節頗多曰啟門禮成主禮
祀土禮奠禮起駕禮歸窆禮如同靈則有安神禮禮相六人或八
人高明二人或四人有僅行奠禮或起駕禮者如非士大夫家則
止諷經然無論貧富皆用樂非古禮也

題主請顯達者充之禮相必延請生監各具冠裳民國以來皆便
服不必生監亦可從事其間

諷經用僧道送疏十二道謂之一壇亦有寫半壇者如女兒送經
則插花一枝以爲別只取熱鬧而已

葬用芻靈紙糊車馬僕從貧富皆有之富者尤多甚無意味而習
俗相沿不以爲非至靈棚門棚路祭棚以白布編造樓閣窮工極

巧以爲美觀費工課事尤不足取然竟無矯正之者

演戲酌神城鄉皆有有會戲有願戲三日一日不等誠陋習也加以戲捐借以禁之而竟不能免

酒席宴會咸同之間風尚儉樸有日四大冰盤五碗四盤八大碗十大碗葷素相間惟肉而已每席不過一二千文光宣以來稍近侈靡有八大四小八大八小四大件則魚翅海參尚矣然費不過四五千文近則參用番菜洋酒一席之費動至二三十元固由物價之昂亦可見習尚之奢

衣服尚布素惟富貴之家始用紬緞近則動用庫緞商賈之輩尤甚難以窺人子入商界數年便以服飾相炫耀且有鑲金牙帶金戒籙者虧欠纍纍倒閉時聞實爲厲階尙其戒之

每值久旱官約請紳設壇求雨步禱三日例禁屠宰閉南城門城

鄉亦多抬神求雨有赴黑龍潭取水者有赴邯鄲撈鐵牌者雖曰迷信尙不失爲民請命之意近年以有礙交通南門不閉人皆稱便

有井可灌者曰園地無井可灌者曰坡地有留待種麥者曰晒寒地有留待種穀者曰春地

小兒患病有送作僧道者稍長若家無次丁亦可還俗

有無子而抱養他人子或親戚子者皆曰義子迨養老送終後自知其本姓者多歸宗

無大故不出妻稍知禮義者不娶寡婦若娶有夫之婦謂之活頭妻人皆非笑之

忠厚勤儉者子孫多興盛刻薄慳吝者子孫多不材

婦女多信鬼神好算卦巫婆瞽婆借以騙錢謀食說神道鬼抽籤

算命其實皆妄

宗教普通尊孔今有奉天主教耶蘇教者亦有燒香吃素類奉佛
教瀆祀神明要福免禍

在理不知何教惟勸戒煙酒教人爲善禁人爲惡公立善堂宣講
善書雖近迷信未可厚非

鄉間多崇儉樸城市競務奢靡而風水陰陽吉凶巫覡僧道鬼神
之說間有不拘泥者

打醮會遇廟宇殘破擬加修理則住持會首設法散放會帖數千
百紙擇日坐會令出錢二三十文以蒸饅四箇素菜一碗欸之麥
後收麥二升積有成數以備興工

道咸間中西互市鴉片輸入粵東漸遍二十行省初則富貴之家
頗染惡習同治中葉內地種多窮民乞丐皆不免吸食無資竟至

鸞斐子而不悔宣統初同英協禁吸者漸稀乃天禍民國鴉片初禁藥丸復來其毒更深且加以各色紙烟嗜之者多耗財益甚吾新染此惡習無處無之所望賢司牧亟加厲禁不惟挽回利權亦保國強種之一道也

晉時樛蒲之獻一擲十萬識者知典午之將亡明季有葉子戲爲闖逆犯關之兆清末至今麻雀盛行吾新之商賈尤甚曠時失業致疾破產者多甚至寡廉鮮恥不堪言狀風教所關亟宜挽救是所望於賢司牧

正月元旦五更起祭神祭祖爆竹之聲遠近無聞天明方止例食餃子無貧富老幼男女皆更新衣親族朋友交相拜賀所至皆款以酒食上元後始漸疏

立春前日官必迎春東郊儀衛甚盛抬春牛芒神游於街市猶古

禮也民國以來此禮遂廢

初三日例墓祭鄉間有元旦上墳者

初五日曰破五此日不准翦破什物

初六日商賈開市親友例請春酒

初八日大橋北東西火神廟演戲遠近响器會多來進香有裝演故事者頗熱鬧

初九日暢家岡天地廟會進香者衆

初十日曰十不動說十爲石凡磨碾碓臼搥布石皆忌動用

十四十五十六日燈節有搭天橋者有玩籠燈者沿街挂燈曰燈山會大平景象頗有可觀

十九日日添倉家祭倉神

二十八九兩日城內火神廟城外大王廟皆扮演抬閣遠近鄉村

响器會多裝演故事進城有措粧高躋旱船竹馬秧歌獅子皇積
諸名色並隨抬閣游歷城關所過官署及富紳巨商之門皆賞以
饌食人海人山極爲熱鬧夜分始散

二月二日例食煎餅十五日老君菴會演戲有近村响器會裝演
故事進香時杏花正開城關往游者頗衆

三月十八日城隍廟會香火甚盛城鄉婦女燒香者衆有肩鐵索
者日代重小兒有帶紙糊小枷者日開枷惟唸經者麇集於廟男
女羣雜最爲惡習賢有司維持風教嚴禁宿廟咸知畏避

清明插柳於門例墓祭城隍出巡駐駕北壇竟日晚始回廟七月
十五十月初一亦如之民國以來不復舉行

四月麥忙官府停訟工商亦多輟業城市窮民多赴鄉拾麥者鄉
村極爲熱鬧

五月端午親友以麻糖粽子相餽遺插艾於門飲雄黃酒日初出
搗雄黃蒜云避五毒

六月六日晒衣物云不生虫初伏日鄉間老婦多赴城隍廟燒香
供餃子謂之接福

七月七日前夕幼女多爲乞巧會捏餃子內貯針線剪刀葱蒜之
類分得某物便云得某物之巧

中元例墓祭或爲盂蘭會放餛飩口並放河燈路燈云照幽魂

八月中秋親友交餽月餅晚設瓜果拜月

九月九日例食棗糕二十日後東關大會

十月朔例墓祭

十一月冬至例食餃子有賀節者鄉間老婦赴城隍廟燒香供餃
子謂之接九二十日後東關大會

十二月八日雜米菽諸菓爲粥謂之腊八粥一名八寶粥 二十
三日祀竈東關有會曰腊月集買賣新年食物有抓集者曰春妮
男扮女裝到集亂抓予以錢則已本爲迎春時與芒神送飯之饅
婦今迎春禮廢此亦無所用之而猶抓集者討錢而已 除夕易
門神換春聯互餽年禮辭歲夜食餃子謂之填坑有守歲者徹夜
不眠

新編縣志卷二

新鄉縣續志

物產志

物產之品有生植有製造其志生植者可以驗土宜覘物性其志製造者可以觀民智徵實業此政教所關不可以微物畧之也舊志僅著生植之品而未及製造似覺未備茲特標而出之俾知代天工而盡地方吾民豐富之源卽在是焉古云觀物產而知政教所係豈淺鮮哉其他已見舊志者不贅

紅花光緒以前四境多種之遠近商賈販運亦大宗也自洋顏料盛行價廉工省受無形之抵制故種者寥寥

落花生分大小籽二宗沙磧之地多種之果品也近得榨油新法大者用機器小者用人力加以交通便利內外商人收買轉運遂爲東南鄉出品之大宗

新齊縣志卷二
薯分紅白二種徧境皆種可佐秋粟以免饑餓

靛染料大宗北鄉一帶多種之自洋靛充斥種者日少

甘蔗北鄉鄆灣一帶種之獲利頗厚惟須重糞其田加以培護一年後須易地若舊地再種則不復滋長

西瓜五色俱備味皆甘美昔年瓜匠皆山東人近則本地人多能之者火車通行銷路益遠獲利頗厚故種者益繁

棉花各鄉皆有西南七里營一帶最盛分本地花小洋花大洋花三種本地花大洋花葉莖皆綠小洋花葉莖皆紫小洋花本地花宜稍瘠地大洋花宜肥沃地收成每年每畝約二百斤棉長而澤遠愈小洋本地二花惟枝幹高而密花挑不易得風須摘而晒之始開否則多致霉爛

土鹽沿黃河故堤一帶產之有晒熬二種晒鹽色白顆大熬鹽色

暗顆小味較輕於海鹽製法埽塩土成堆填給淋中加之水鹽水即漏下以灰井或缸甕盛之在冬日其下有沈澱物是爲芒硝熬鹽水於釜潮凝撈出攤布單上令乾是爲熬鹽所餘之水爲鹵水性收縮可點豆腐人服之可致命晒鹽水於池漸結爲粒撈出令乾是爲晒鹽所餘鹽水翌日再晒仍成鹽但次於初晒

鹵水和土煎於釜俟土下沉將水取出晒於器結爲牙狀晶體是爲牙城色白煮於釜成糊塗是爲糊塗城色紅

白石出縣北尙全古東北五陵金燈寺西

青石出路王墳後萬虎山

石灰出北鄉郭柳等村

土粉出縣北黃屯

白布西南區產棉最多故小冀鎮有布行數家招客收買行銷山

西

汴紬綾緞絲羅底小紬城鄉向有機房數家近厚生工廠亦招工製造用資推廣

麻頭紙作房孟家營約數十家銷路頗暢

毡帽作房西南區較多行銷河南

熏棗出趙村製法先用大鍋煮熟每煮時用麻油入鍋內再用砂仁紫蔻少許入之棗皮不裂色鮮明味清香熟後用箔少晾再上焙焙法一日用火三次少歇將焙上面棗翻至下面再用火三次計滿二日方成此棗能健脾開胃滋陰降火於衛生有益食時宜飲香茶以資消化行銷河南漢口江西上海等處

大麥糖每年冬季用大麥熬糖者數家曰糖房銷售頗多春暖即止

菲黃出三岡製法以晚菲植地窖中窖暖土潤芽長尺許或數寸
臘月出售其味鮮美價倍於常菲

民國二年春田芸生等假儒學舊署籌辦厚生實業工廠詳准立
案以織染爲主科棉質出品如愛國布條布手巾等類絲織出品
如汴綢縐紗改良緞類曆有年所頗著成效雖未遽臻發達亦實
業前途之導線也

田蔭生撰呈文爲振興實業擇地設廠公懇轉詳立案事竊維
前清末造民生彫敝已成枯窘之局民國肇始制度一新服式
改革已見端倪正中外利權角逐之秋也識時者擬其病源莫
不以振興實業爲當務之急然環顧海內實業進行或言行之
不顧或有始而鮮終不惟無益於民生並且漸墮其信用求其
實心毅力艱苦不辭卒達其利國福民之目的者蓋不多見新

鄉水陸交通素稱衝要維新以來各政粗備獨於實業一途尙爲缺點故尺帛寸縷仰給外人生活程度日高一日同人等目覩時艱心忪潮流因集議招股仿照有限公司抱定營業三意創辦厚生實業工廠以織染染國布棉布爲主料製帽製衣石印草帽辦凡屬工藝即當次第興辦暫假大西街儒學間署爲開辦入手地點藉立基礎逐漸擴充異日利國福民蒸蒸日上實仰賴我公提倡之力茲將擬定履章及招股簡章各二份呈請鑒核轉詳立案實爲公便

知事劉青選批據稟該紳等招股籌辦工廠係爲振興實業起見利國福民深堪嘉許所擬工廠章程及招股簡章均極妥協自應如章轉詳立案惟事屬創辦尙希勉爲其難堅持不懈一俟著有成效仍當力加擴充本知事有厚望焉

新華火柴有限公司巨人魏治魯荆夢乾周瑞岐羅凌雲王誦芬李善軒等所組織爲提倡國貨挽回利權起見以飲馬口爲地址居道清京漢鐵路之間交通既形便利又距城較遠地方僻靜於商號住民均無妨礙民國八年八月依公司條例呈請農商部河北道河南實業廳註冊民國十年六月開工製造合法可望發達蛋廠清宣統間津人趙某於北關外開設豫興蛋廠不及三載因事停貿嗣由地方紳富改組裕豐蛋廠行銷津漢滬三埠日漸發達而中本恒裕德昌三和成祥泰卿各廠遂相繼開辦逐年於生意活動時每日計用內外員役男女工人不下三千餘名關係貧民生計不淺其製造法分蛋白蛋黃乾黃水黃全蛋五種分別裝箱裝桶轉運出口惟未能向海外各國察其用途直接交易不免受制於人尙屬憾事

通豐麵粉公司民國七年在西站河北岸購地設廠建五層樓安置機器又於衛河之上創建木橋以便交通規模宏闊頗得地利其製造麥粉日夜可達千餘石粉分頭二三等行銷甚廣獲利頗厚爲全縣商業之冠經理朱壽祺天津人聘有美國工師一名宏豫冶鐵公司在西車站衛河北岸京漢路西民國八年杜嚴創辦規模宏敞現正預備開工煉冶

錦昶工廠在王門村民國五年趙魁元創辦專織寬面大布逐漸推廣附近織戶至數十家可望發達
葦蓆出西張門唐庄等處皆村人於農隙時編製銷售甚廣
蒲蓆蒲扇蒲包出大塊村附近等處

新鄉縣續志

名蹟志

陵谷變遷滄桑無定嗜古者欲概存之難矣然轍迹所經流覽古蹟往往有蹟已就湮而名則不朽循其名而考之猶髮鬢見古人焉是名存即蹟存蹟存即人存也故史冊彙志名蹟資考鏡而昭法戒意至深遠豈第動人今昔之感哉

古鄘城在店後營普渡橋東繞大家店之南北此跡得之普渡橋碑遺址尙存按鄘國西阻太行東臨衛南跨河北臨邯當日地輿形勢雖不盡詳而耆老所傳碑碣所載不爲無據即按之地勢亦頗適中則此爲古鄘城無疑

舊縣城在邑東南十五里王庄北里許相傳縣之舊城在此今皆無考惟大堂遺址尙存

新州縣志卷之二
獲嘉故城在縣西南十二里固城舊志云漢武獲呂嘉置城卽此
今基址湮沒盡爲禾黍而土地高阜無用荒墟變成有用菑畝蹟
之沉淪可惜地不愛寶可嘉

馮石城在縣西南十里去固城一里南有濟瀆廟東南兩面跨孟
姜文河舊志云後漢冊馮石爲獲嘉侯築城於此土人每雨後獲
古銅箭鏃長五寸餘或屯兵處也今尙有荒墟數段相傳夏秋之
際有時城現遙遙望之霧合雉堞烟鎖城門黃土壘壁蘭若一新
殆靈秀所鍾留古蹟也

看花樓在馮石城南與城毗連今廢荒墟尙在

尙書坊在北街爲明禮部尙書謚忠節郭滄立今尙存

恩錫九原坊在城東北石馬園衛水北岸爲郭干之立今尙存

黃堂青瑣匾額孟津王鐸書欸係河南巡撫高名衡巡按河南御

史任濬爲原任直隸正定府通判張問仁立於北門內張氏宗祠
今尙存

白馬潭在縣東南二十里東莊岩

八角磚潭在絡絲潭濟瀆廟前不知始於何時清順治三年重修
民國九年又修上加磚石花牆水甘如醴清波澄澈老楊掩映游
魚可數

鴻門古塔在鴻門村西南係磚修砌相傳舊有大寺今廢惟此塔
巋然獨存

鳳凰陵在馬唐馬東氣象崢嶸距張皇后祖墳二里許人呼爲鳳
凰陵

老塚在朱召村南里許有傳爲晉王塚者無考

琉璃井在永城店祖師廟前初本磚造忽一日夜間井內光焰四

射天曙始熄羣往驗視則井磚盡成琉璃色如古銅光澤可鑑惟井口尺許磚痕未泯遂稱之爲琉璃井不詳年月

絡塚在縣西絡絲潭東南里許俗云絡塚有謂係馮石墓者無考塚高二丈餘周圍五十餘步孟姜女河繞其北京漢鐵道經其南可供登眺

普同塔在縣北寺兒山南萬曆二十三年僧人圓昂創建

聖人墳在縣北寺兒山南普同塔東乾隆二十三年瘞聖像於此土人名爲聖人墳

知縣馬家良瘞埋聖像碑記河南舊有三教祠聖像與佛老並列殊屬不經督學使疏其事於朝請以分途安置其聖像瘞埋於學宮者他邑皆纍纍相望新邑亦然因是移於蓮子祠者共十七尊前任因去任愬瘞欲瘞埋而不果家良蒞任之明年有

友汪懷中偶寓予署夢有蒼顏鶴髮峨冠道貌者多人叩其故
曰皆聖人也旦同幕中徐子夢麟往學宮遍訪木主外無所覩
詢之土人述其前事驗於遵賢之祠歸以告家良因檢前案歷
歷有據卽敬謹設龕以瘞夫像有豐瘠長短老少之異皆以意
揣其去溫良恭儉讓之客何啻天壤又年深日久丹鉛剝落祀
之非以明虔置之又違原議而學宮隙地又多瓦石爰擇清靈
山中掘土而藏之勒石以誌俾處茲土者知聖像所存樵牧有
禁是爲記

聖像碑前石台記河南舊有三教祠至聖與佛老並列原屬不經
督學使疏奏請命分途安置新邑三教祠共十七處前縣王俱請
移於城裡遵子祠內欲瘞埋而未果縣王馬家良歷檢前案又值
友夢卜吉擇日設龕瘞埋隆禮以祭勒石以銘塚前別無石器戟

等謹獻祭台一座六十一代孫興鄆興鄒等六十七代孫毓銓等六十八代孫傳中等六十九代孫繼煊等

祝公井在合河鎮衛河東岸乃增生朱景福之故園咸豐年間大旱朱姓淘井以沙底不成擬臨河掘井恐人阻撓因請於公公曰衛河淵源不盡不竭雖便運糧亦宜利人臨河掘井用水不多濟人不少但掘無妨井成朱姓泐石誌之曰祝公井

鹽山亦曰龍塚在馬唐馬村北興國寺東明張皇后登眺處也相傳龍降於此村人撮土封之遂成山陵每當子夜龍眼射於東偏光明如珠迄今不見然登斯山也蕭寺壯麗綠樹扶疏百慮盡消爽人心目亦野境之幽勝者

蓮花池在里仁寨南門內約五畝爲任姓之故池純產白蓮玉葩耀目翠葉搖風跌宕縈迴波濤萬狀供千家之挹注爲衆潦之匯

歸亦鄜南勝景也每歲產藕膏以數萬計

柳池在西北耕營三仙廟前相傳有慈雲甘露之異禱雨輒應不止沙鷗翔集錦鱗游泳足稱勝景也今廢

古井在周王庄村前相傳爲周姓避難井

道光間生員周相君古井記村之東北隅有涸井焉相傳爲遠

祖避難之所也我家系出條侯由豐沛而原陵而鄜南中世式

微闕不可考有元之末兵戈饑饉頻歲相仍村固數百家相率

而去者逃者鋒鏑死亡者幾於戶口蕭條人烟斷絕矣加以蓬

寇四起戎馬倉皇遠祖匿於村前涸井中以蓬蒿繫其上至今

族之人士或指爲南井西井又或指爲定慧寺以東之井紛紛

議論莫衷一是恨不起死者於今日使耳提而面示之噫嘻何

其迂也聿考其時村之人既居於定慧寺之左右則閭里室家

懼爲盜賊所搜求不以爲避難之地決非此井可知南井居隴
畝之中今雖廬舍在當日則禾黍也耕隴之間亦無蓬蒿可繫
西井去道路太近亦難藏匿且此井泉脈甚旺在當日必不作
廢其爲灌汲之井可知惟觀音堂東北有舊井淹沒去路約三
十餘步地近斥鹵兼處荒僻足跡之所不履殆近是歟殆近是
歟於是聚族人而詳審之東西朔南周旋四顧恍若有悟証以
南墳碑記逢蒿繩繫之言又甚相合僉曰斯即吾先人桃源避
秦之地也是爲我周家延一線之祧也赫赫宗周涸井存之則
斯井之有造於周也豈淺鮮哉因作古井記

槐西堂即東街郭玉六方伯故宅以在鶴園老槐之西故名岑樓
甲第昔嘗巍煥今幾易姓矣存其名以誌慨

瓜豆園在東關東嶽廟左王寅亮之南園也半城半郭林木莠鬱

菜畦瓜隴逸致天然命名之意取種瓜得瓜種豆得豆語妙有風味自題聯云失學從兒今耄矣學劍學書不如退而學圃種樹爲業古有之樹穀樹木卽此進可樹人

避亂樓在義興庄張廷柏宅內創自明萬曆年間高四丈周圍八丈台階十尺中間三層可容數百人當東匪捻匪入境時近村老弱多避於此賴以保全實爲一方保障今尙完好

小有天園郭靈波之別墅也在衛河北岸如是菴東牧野村西故嘗自稱河上老人地約數畝茅舍三楹蓄書萬卷宋槧居多字畫鼎彝羅列森巖植名花數種修竹千竿每遇風晨月夕良朋勝友吟詩作畫有旁若無人之概暇則觀竹樹之婆娑視山禽之翔集參入畫境活現紙上非僅藉粉本爲生活也靈波歸道山改爲菜圃迄今惟磊磊數石錯雜蘆葦間

七世同居坊在飲馬口道光四年爲布政司經歷趙珂立

司馬古楊在劉司馬社廟前枯楊生稊其形竒古枯楊高數丈粗數十圍皮多不存當是數百年前物現中峯一枝猶能蕃盛于雲蔽日蔚然可觀稊卽生於枯楊空心處直透中峯一枝外高與之齊粗畧遜之又不知幾何年矣與六一先生門前古槐相去百餘步而并垂不朽異哉

古桑在司馬村孟姓場圃中高三丈餘圍丈六七尺不知植於何時相傳當茂盛時村婦資以養蠶者多夏月濃陰蔽日可二三畝往來行人蔭其下驚以爲竒今已枯槁無蔭猶有數小枝生焉而舊質依然矗立不朽

衛河土龍在民樂橋下游約去五六十丈波心有土壤高出分水兩派約十餘丈外復合流俗謂之土龍能上下徙移白鷺翔集青

草如茵如水漲過分水石則不可見

飲馬池在店後營南門外明百戶侯王幹飲馬處跨是村之東偏周圍七十餘畝容納西來之水每值夏秋雨集水有所歸不至多淹田畝

鳳凰台在店後營西南隅距村半里許不知始於何時相傳鳳落於此村人以爲寶地掘之得甘泉因建此台今廢尚有磚井村人利汲焉

鼎岡在縣西十二里水東村南偏土地高阜突起如山其形橢圓三崗相隔數百步俗云岡頂今觀其三角對峙聳然鼎立因名之日鼎岡每臨登眺降此陟彼循環無端北瞻衛河塵俗頓消亦異境也

鰲來峯在縣西北五十里黃水口內高約五十丈如塔形傳自海

上飛來與太行角崇卑至則慚而止神人拔簪插其頂遂不能去
今鐵簪尙存搖之則動舉之不起而竒峯突兀矗立干霄亦異蹟
也

明郭忠節公聯吟雅集圖圖約尺有七寸方形緝地兩旁松石掩
映梅花公與孫慎行劉理順張縉彥列坐其間儒冠儒服間雅宜
人旁有筆硯紙幅光緒二十八年重裝

光山上官濟清敘郭君龍光字瑞卿簪纓舊第余之忘年友也
瑞卿九世祖大宗伯公諱滄字原仲行二世居鄜南大明天啟
年間由翰林入爲帝師贈禮部尙書忠義過人邑紳公舉入祠
載縣志久矣昔居京時曾偕梓鄉僚友三人繪一聯吟圖像年
深代遠考查無從光緒二十七年春公七世孫瑞卿與公八世
孫雲卿九世孫師曾十一世孫慶雲等赴輝邑見公八世孫芳

增家懸此圖而奉之紙故殘闕向有敘詞係公胞弟大參公進士出身諱琬手題字跡磨滅殆盡幸芳增尙能記憶據云首坐孫太史慎行懷郡人次坐劉殿撰埋順開郡杞邑人三坐即大宗伯公四坐張進士字坦公本邑人英耆酬唱勝擬香山真盛事也但芳增年邁乏嗣恐圖像後將就湮其商請入家廟俾春秋永薦馨香不特神有憑依合族亦咸知欽仰庶幾後起有善繼述者不難上溯儀型以爲水源木本云爾 按明史孫慎行傳字聞斯江蘇武進人

郭遇熙行樂圖長幅繪事極工花鳥豐美光豔奪目公科頭着長衫手書一卷雅度汪洋坐堂廉閒圖書藝器之屬甚繁丹青名家冠絕一時圖長八尺餘寬二尺六七寸

自贊問爾爲誰字曰駿臣生長鄘衛遺瓊比鄰居從之署一鶴

一琴倚然短榻左史右文手拈三鬚科頭苦吟文章事業在在
古人爾何不馳騁乎才路獨兀坐而無言觀爾之貌窺爾之神
將欲蒐獵詩書以了終身却欲守先世之清白以貽子孫洵如
是也咄咄無能又何避乎舉世之笑而在我之嗔爾應答我曰
如斯而已斯之謂逼肖駿臣之真康熙三十二年歲在癸酉季
春月之望五十四歲翁省齋氏自贊并書於從陽之半優亭摹
土則南海潘澗二泉也時同署余姪培貞恭若余內姪鄧子紹
昌

郭兩銘雪田得鹿圖長幅約丈許寬三尺上繪松五株公披鶴氅
乘白馬攬轡持弓行橋上後列甲士三下繪一鹿帶箭狂奔二甲
士各持長矛共挽之全圖神完氣聚景物蕭然子郭澆繪題詠甚

長汀楊瀾題先生心古貌亦古平生好文不好武一甌高卧洛陽城要使邦人作鄒魯胡爲此圖雄且豪怒馬獨出弓在腰馬蹄蹴冰袖撥雪長林十里風騷騷一鹿驚奔發一矢血流在地雪皆紫盤馬彎弓巧勝人範我馳驅當如此吾聞杜老一詩翁暮年療倒傷途窮匹馬短衣看射虎圖中設想將毋同先生笑謂我爲我彼哉作繭自纏裹得鹿顧盼頗自雄遊戲人間無不可圖中風景平生無是真是幻多難摹莫向此圖看此老當從此老思此圖

郭兩銘雪夜訪友圖橫幅長丈許手捲式子郭流繪公披鶴氅一役籠燈導前從者四張蓋捲甕負米挑炭神色皆曲肖前途繪泉石山林小橋梅花極瀟灑之致題詠甚夥美不勝收

自題雪白明如晝對此心悠然我有樽酒儲獨酌不成歡感此

懷故人閒吟應未眠張蓋試相訪聊與共盤桓斯人久不晤斯
景適相遇而不秉燭遊此宵成虛度行行數里許望見幽棲處
茅屋兩三間朦朧隔烟樹四望一色渾不辨阡陌路紛紜復絡
繹須臾積盈尺寂寂無行踪漸近伊人宅不見燈燭光恐亂天
花白天花何皚皚綠亂灑寒梅我友方默坐當不知我來驀然
一相見笑顏爲我開胡爲冒雪至但感知音稀深情不可言命
筆寫相思區區言不盡諸君共寫之

郭兩銘竹林課士圖圖長丈三尺許寬五尺公憑修几倚琴書坐
蒼松翠竹間一役烹茗於左下列諸生計十餘人或俯或仰作吟
哦推敲狀二生肅衣冠以酒肴進執經而來似問字者閒情逸致
極丹青之妙子流繪題詠甚多

汝南杜華章題我有讀書處深柳環草堂地靜神思恬花開筆

墨香今披課土圖菜竹叢千行先生憑修几白髮顏蒼蒼諸生
時俯仰嘔吟發妙章江山文人助園林興趣長自此親風雅譽
髦遍宮牆

郭宗棻且靜坐圖橫幅約長五尺題詠極多公科頭着深藍長衫
手周易一卷左梅右竹綠蔭森森想見名士高風

河內申勉旃題黑髭我未見我見已白髭權然執我手宛若舊
相知序齒二年長我以兄事之才餘年慣見皓首復厖眉忽以
此圖奇殷勤屬題詞驚視圖中像壯年美丰姿熱官辭就冷計
合在此時一卷手中握花竹樂紛披稟方剛勇退能如是者誰
善退實善進老益壯在茲七旬餘矍鑠改官植其基按圖憑籟
畧靜坐有深思把卷尋滋味我願奉爲師

盤龍岡在店後營西門外離村里許自西南獲邑寺庄入境蜿蜒

而東北復轉而東南盤繞起伏如龍之變化無方登斯岡也西望同盟北望太行靈秀所鍾千秘畢宣鐵道當前火車與電綫爭響飲馬池上沙鷗與鷺鷥齊飛舉目而矚側耳而聽盤龍岡蓋別有天地矣

高村土阜在城西五里運河南岸地勢穹窿極高處有老君菴後瀆河較北岸高約二三丈東西長約二三里三高村命名以此

敬業堂額在古廓書院署乾隆丁卯山長暢俊題現懸高等小學校東院禮堂

郭澆書法屏聯書云春色有聲聽啼鳥花上道根無跡看古石蒼
邊末署七十五叟小癡直幅書云石間靈秘泄尙憶紫霞餘顛
消人慮驚飛識道書兩龍驅氣象十日照元初揮手不能見天風
吹步虛末署嘉慶丁卯郭澆學書現存城隍廟

羅漢像一軸高五尺許趺坐櫺葉法像莊嚴舍利宛然自順治十四年至今絹本完好丹青簇新錫山周知繪邑人張縉彥跋存北關西大王廟任持本安每屆除日懸掛頂禮元宵節後什襲而藏秘不示人

題云山東李野臣御史兀坐書齋時日已晡矣忽茶爐中現尊者像舉室驚詫合掌羅拜夜分方滅獨一小童不能見御史感之闔家茹素延無錫周知以絹摹之時丁酉八月初六日如是道人贊曰是阿羅漢汝從何來起從何起滅從何滅起滅既無相復何有相既無有筆墨何在本來面目即在火宅佛弟子縉彥書

小冀寨西南隅名曰梁庄舊傳有張坦公兵部樓一所年久傾圮基址蕩然惟存張坦公王覺斯所書碑版數石而已至今人稱爲

兵部樓云

張坦公遺像一軸絹本高二尺許幞頭警衣手執如意上虞謝彬寫今藏張氏宗祠

京江陳篤題云胸羅萬卷稱經笥作宰殲渠靜一方可惜兵符遲拜命宮門涕泗重堪傷 龍興翼運寄旬宣南越青齊賦役鬪百二十年遺像在詩書留與子孫賢

仙人潭在後辛庄東北半里許衛河南來紆徐曲折俗名扭頭三灣每灣水勢所趨匯爲清潭其尤深者曰仙人潭相傳昔有人見仙女駕舟遨遊於此遂以得名潭下繞而東北數十步曰楊趙家灣又有潭焉亦云古有善泅水者入潭游泳見其中別有天地豈果有異境耶惟是上下數灣濼洞如帶前後數潭光明似鑑綠柳扶疏之岸紅塵斷絕之天雖不必果爲仙人幽寓而高人逸士游

息其間觸景興懷得毋悠然有世外之感乎

來雲樓舊志在城東南隅嘉慶二年知縣牛步奎重修民國十二年春田蔭生張占倫重修

邑人田蔭生重修來雲樓記吾邑城東南隅舊有來雲樓係清王邑侯克儉創建至乾隆間經趙邑侯開元重修上祀文昌中祀奎宿更名曰重光其時文運昌明人才蔚起雖未必爲司籙默佑之功而踞重巽之方著文明之象於閭邑文教之盛衰興替實有關焉讀郭武銘泐石之文暢逸羣落成之賦猶想見當年之勝概今又歷百餘年昔時輪奐漸就傾頽不早興修聯成荒廢非惟無以振文教且恐如文筆峯摧摘星樓圯致貽後起無人之誚也蔭與李君乙峯集議修葺祇冀保存古蹟非敢迷信神權乃事未果行而創修三賢祠工竣核其餘貲餘料足數

新刊縣志卷二
修葺之用爰商璩公文衡仰張君天敘諫吉與修旬餘告成雖
未如輪奐之美差可免頽廢之虞倘異日珠聯璧合六星耀桑
梓之光則修殘補缺未始非佑啟人文之一助也是爲記

八景 詳舊志惜無圖茲各補繪一圖並綴以詩俾覽斯圖者想
見景物之美盛焉

五陵曉色 曉日纔從瀛島過霞光遠射五陵多置身試向峯高
處應見金烏浴海波

鴻門夜月 巋然古塔倚鴻門淺草平沙澹有痕最是清秋好風
景一天明月荻花村

李臺晚照 夕陽掩映太行東山色霞光一抹紅遙望李臺平野
濶奇峯倒影鏡奩中

牧野春耕 灣環流水遶東城牧野村邊畫意生正是一犁新雨

足有人驅犢事春耕

司馬迷魂 何年布陣此迷魂異跡猶留司馬村歧路縱橫渾不
辨古楊林外話奇門

故城絡絲 潭深千尺幾何時今日猶傳此絡絲認取故城遺跡
在綠楊影裏戲魚兒

原莊夏景 縷縷荷風送晚涼藉消炎夏到原莊一灣流水千章
木綠蔭中開綠野堂

衛水金波 悠悠衛水繞城陰日映波光點點金岸柳新黃沙草
碧清流不受俗塵侵

采外集總元卷二

五

新鄉縣續志

祠祀志

考祀典有功德於民者則祀之外此而忠孝節義之行足以垂儀型而動人景仰者亦建祠祀之以示表率是國之典人之心也豈容徼福者矯託於其間然世變迭更多失本意唐宋以來菴觀寺院徧天下益不可以義例衡故志祠祀亦存古迹耳其有合於典則與否不深計也

關岳祠在東街路北即關帝廟詳舊志民國四年改建正殿祀關壯穆侯岳忠武王神位東序十二張飛王濬韓擒虎李靖蘇定方郭子儀曹彬韓世忠旭烈兀徐達馬勝戚繼光西序十二趙雲謝玄賀若弼尉遲敬德李光弼王彥章狄青劉錡郭塏常遇春藍玉周遇吉均木主紅底金字祭日歲以春秋分後第一戊日祭品用

太牢禮節與丁祭同

禮制館館長徐世昌呈文爲遵令擬訂關岳合祀典禮呈請鑒核事上年十一月二十日奉大總統申令據陸海軍部呈稱時方多難宜右武以崇忠古者以死勤事以勞定國皆在祀典近則歐西各國范金鑄像日本亦有靖國神社之名表彰先烈中外所同現武成之奠尙在闕如崇德報功必符名寔關壯穆昭贊昭烈岳武穆獨炳精忠英風亮節同炳寰區寔足代表吾民族英武壯烈之精神謹擬以關岳合祀作爲武廟等情查關岳兩祠近代久崇禋祀我國人民景仰盛徽肝鬢之報幾遍里閭誠以忠武者國基所以立民氣所以強當此民國肇興要在尙武經傳本有禡祭唐宋亦祀武成尤宜特荐馨香列諸典禮爲師干之圭表示民族之楷模著禮制館妥議關岳合祀典禮並

稽考唐宋武成廟祀遺制將歷代武功彪炳之名臣名將及民
國開國忠烈將士酌予從祀庶振袍澤之氣用臻強盛之庥凡
我國人民皆當知崇厥武祀寔以壯軍志而固國維既殊叔季
豐昵之非更異釋老迷信之指其咸懷明發作我干城本大總
統所深望也此令等因奉此謹案京師漢壽亭侯廟建於隋代
其前雖無可考而自隋迄今一千三百餘年祀事修明至明清
而益盛自京師以逮各行省廟貌巍巍典禮之隆擬之闕里岳
廟始建於鄂在宋孝宗乾道五年距其歿也未及三十載歷致
褒崇從祀歷代帝王廟其廟之在於河南浙江江蘇湖北等處
者並由地方官吏春秋致祭論勛業則河山並壽同期恢復中
原論行誼則忠孝兼全不僅頡頏國士後先一揆足立懦而廉
頑稱道至今直家尸而戶祝今遵明令考禡祭之經修合祀之

典英靈昭饗馨香通以神明將士趨蹌報饗導其忠義所有壇
墀之闢旂纛之陳登降何以肅其文笙鏞何以颺其奏出師旋
師之特告春戊秋戊之常儀典秩所在武義之宗自應博考旁
稽審慎擬議而廟宜標姓並躋孔氏之尊稱位宜題謚不襲道
家之謬號則又因時之制不可不折衷至當者也至於從祀之
人氣節爲上武畧次之義貴謹嚴寧遺毋濫前清將帥民國先
烈未有論定暫就闕如謹擬自蜀漢張飛至明周遇吉都凡二
十四人列位兩序以配肝蠶經世昌等督飭館員悉心考訂成
京師及各地地方關岳廟祭禮一卷附具說明書並勅擬訂樂譜
均經評議員議決復由世昌等詳細覆核凡所纂擬尙臻周妥
從此丹青毛髮御車雲風馬以借來袍澤謳歌激古誼忠肝而
興起信於今而爲烈寔異世而同昭也所有擬訂關岳合祀典

禮緣由理合繕具清摺呈請大總統鑒核訓示施行

邑人田蔭生記天理常存猶江河之流亘古今而不廢人心不死如日月之光與天地而常昭所以忠臣義士文節武烈雖不必表表於當時終必顯著於後世有斷然者予壯遊武昌見鄂督張文襄公建岳羅祠於洪山心竊慕之嗣讀岳羅二公合傳颯颯英風巍然大節先後輝映猶堪想見民國五年夏大總統右武崇忠節各縣建關岳合祠甚盛典也邑侯呂相曾議就原有關帝廟改建以節經費羣情稱便惟正殿有關帝塑像一尊東西有周倉等塑像四尊金碧輝煌皆高七八尺當時有議毀之者蔭等以爲未安以正殿本極寬敞一經改建與文廟大成殿畧同似不妨稍狹也爰將塑像神龕修理完全增闔門四雖設常關東西四像本皆負牆而立因於像前增加窄牆順牆設

神台列木主似無不合經象贊成以郭紳錦林督工逾月而工竣雖無軒軒之分隱有賓主之儀從此忠武靈爽並峙於羅忠節公者復偕壯穆聲威以俱尊享祀徧天下義烈昭千古息邪說而正人心道在斯矣豈第伸尚武之精神已哉

城隍廟在西街舊治前創建重修俱詳舊志有明梁問孟郭澆清暢于熊碑記嘉慶十二年同治十一年民國八年歷經修葺今尙完好有住持道人

邑人郭祥瑞記嘗聞陰陽謂道幽明一理明則有朝廷之勸懲幽則有鬼神之賞罰此城隍廟神所由顯著也吾邑城隍廟建於明初其後屢圯屢修至我朝雍正十三年修葺後嘉慶十二年邑侯王嵎谷明府捐資補修前後兩殿迄今又閱六十餘年正殿兩廊以及寢殿各宮率皆滲漏傾圯金像亦黯淡無色邑

侯張仲甫明府拈香時睹之而愀然曰是烏可以不修於是率同僚捐資復於城鄉剴切勸諭共成善事擇日鳩工屬丁夢符學博董其役奈工程浩大未及半而費不繼加以歲收屢歉遂沿革以至於今邑侯孔雲樵司馬洎任同寅官暨紳商士民復捐贊助之不數月而工程告竣廟貌煥然神像輝煌命住持道會司王性初立石屬予爲文期垂永久予思夫先王以神道設教非僅以虛聲恫嚇愚民也或有孝子仁人遭際不幸生前受荼毒而身後獲美報鬼神每露其端倪以示顯應念及此不覺瞿然興而爲善之志益堅矣或有凶徒黨惡橫行閭里凌侮善人魚肉良懦或肆行奸詐陰用機謀利己損人自謂得計卒無能逃陰府之鑒察種種孽報鬼神亦顯其靈以示玉曆之不爽念及此不覺悚然懼而爲惡之心漸戢矣是則賞善罰惡昭昭

在人耳目間至於祈澤禱雨誠求必應禦災捍患以造福於吾邑者更無論也則城隍之體物不遺而城隍廟之重修又豈可緩哉孔雲樵司馬以覺世牖民莫切於此而惠吉逆凶之理實能隱相斯民使羣趨於善而不敢爲惡日近於福而相遠於禍用以見鬼神之賞罰朝廷之勸懲相繼而適相成也是以亟修而新之并勒貞珉俾捐貲好義者名垂不朽焉是爲記

劉猛將軍廟在城隍廟西隙地嘉慶十二年知縣王昉住持道會司牛德平創建

高密王昉記嘗聞民之所托庇者惟神神之所憑依者惟廟劉猛將軍新邑故無專祠而附其主於八蜡迄今相沿已久有其因之莫敢革也而神無特祠卽祀無專享於神爲弗欽於人爲失禮慮無以致妥侑祈福祥焉余以癸亥之歲承乏茲邑雨澤

愆期蝗蝻迭起驅車田中曰與斯民商補救之策得蒙禱麻蝗
無遺孽記曰能禦大災則祀之能捍大患則祀之若神者可謂
能禦災捍患者矣夫小民釀有用之金錢崇無名之淫祀相與
崇宏其殿宇莊嚴其法像曰某神也某神也爲之奔走而恐後
至神之有功德於民者置焉弗問而官司亦復奉行故事憚於
更張其不至瀆神也幾何哉歲丁卯與邑人議修城隍廟宇越
歲功竣因而周履相度得廟西隙地建祠攸宜諸紳士以爲可
於是庀材鳩工衆力具舉甫踰月而告成官吏之祭賽恒於斯
小民之祈報恒於斯祀典以正俎豆常新從此協氣旁流昆蟲
不作民和而神降之福尤守斯土者之幸也爰述其顛末而爲
之記

馬王廟在大西街載舊志有住持道人西有蕭曹廟正殿三間門

樓一間民國七年重修

八蜡廟在臨川街西有牛王廟

節孝祠在大西街載舊志

湯王廟在南街創修詳舊志早頽廢民國十年夏又被直軍撤移
磚瓦木料於西火車站

徽子廟舊志在湯王廟東隙地今無考

邊大夫廟舊志在縣治西省身書院今廢

華藏寺舊志在南街係一都公寺惟年久失修剝落已甚石柱粗
約一圍遺跡猶存光緒二十年邑人田芳生王繼周等釀金重修
後卧佛殿大菩薩殿並塑像匾曰五蘊皆空民國十一年戚景春
李春芳呂調陽等任持僧吉祥募貲加修圍牆

觀音閣在華藏寺前年久失修幾至傾圮民國十一年戚景春李

春芳呂調陽等暨僧吉祥募貲修葺改砌閣前石道東向較前益整

火神廟在南街華藏寺西嘉慶五年創修正殿三楹貢生李殿鰲等董其事又歷次加修拜殿三楹東西廂房各三楹西配房三間山門三楹

邑人暢德輝記蓋聞禹謨六府火能養人洪範五行火以炎上火之有功於人世偉矣故炎帝有火瑞之紀周禮有司燿之掌火固地二所生而有明神司之者也吾邑紳民感神之靈因於乾隆甲寅壬正起背粧會越一載丙辰新天子即位辦理抬閣故事以沐聖化以揚神功告虔也後五年庚申修醮畧有積儲以貢生李君殿鰲年高德劭推爲會長與諸會友公議創修火帝真君大殿卜地華藏寺之右以爲棲神之所於是鳩工庀材

越數月而三楹告成此雖李君夙夜勤勞亦諸會長奔走經營之力也迄今廟貌維新臨上質旁嗚呼亦盛矣哉余因思夫神也者天人合一之謂也在天味爲鶉火心爲大火在人有高辛氏之火正曰祝融陶唐氏之火正曰閼伯上懸其星下配之人人可化星星亦可爲人也依古以來自天子達於士庶罔不肅肅雖離以達神庶夫凡有功德於民者載在祀典而况明明在下赫赫在上有如是之靈爽可憑者乎雖然棲神有室而入廟者跪拜無所烏乎可諸君曰此拜殿之不可不修也爰謀諸同事者擇於本歲中秋取其歷年積蓄刻意增修至於配殿兩廊俟錢糧充足漸次以修之茲當告竣諸會長問記於余余曰於鑠神功未易殫述慎始圖終諸君勉力咸曰唯唯敢不終事退次第書之命刊諸貞珉誌不朽也嘉慶二十一年丙子

邑人郭祥杞重修記嘗思德及於一方一時者而後能食一方一時之報德及於天下萬世者而後能食天下萬世之報此必有功於生民之日用而非萃神睢社碧雞金馬諸淫祀可比也粵自地二生火而後燧人氏始鑄燧改火以教民食孟子曰民非水火不生活則火誠有功於天下萬世而爲日用所必需者祝融之食報當與馮夷等豈止一方一時云爾哉歸德街舊有火帝真君廟創修於嘉慶五年二十一年再修拜殿二十五年又修配房道光五年又修山門迄今六十餘年風雨剝蝕漸就頽圯諸會長目睹心惻遂募資財重爲修葺煥然一新誠盛事也爰將督工姓名勒石以垂不朽咸豐六年丙辰

火神廟正殿後隙地舊有房屋三間年久失修無存余歸田後見其地空閒捐貲九十串文築草房九間租苦力安分人居住

新苑集續志卷二
三
每年約得錢數串文除廟祝香火錢壹串文餘另存作修理費亦一舉而兩得云如後之人踵事修葺不令廢墜則與廟並存不朽可也民國三年田芸生記

極樂菴在湯王廟東本白衣觀音堂創修年代無考明崇禎庚辰年張所養顏之曰極樂菴康熙己亥重修并記許爾梅書民國十年邑人楊開泰王中文等募資又重修

眼光廟在北街常平倉前創建於明崇禎甲戌四月清康熙間及民國二年屢次重修均有碑記

真武廟在北門內屢經重修

崔府君廟在北街詳舊志迭經重修均有碑記

社稷壇在西門外關帝廟西側

風雲雷雨壇在南門外民國七年經官產委員價賣

邑厲壇在北門外橋北民國八年經官產委員賣給壇後村公議堂作爲公產官契計開面積南寬十丈北寬九丈九尺東長十六丈五尺西長七丈一尺四至東至路南至路西至楊北至潘共地一畝九分五厘七毫共交價洋三十三元

先農壇在東關外約地十二三畝民國七年經官產委員趙濟亞賣於韓桐嗣由城關紳商捐貲稟官准贖永作公地取結立案

邑人段鴻儒贖先農壇地記東關迤北舊屬教場地址大概以教練兵士得名而在古昔人則統稱之爲新中驛驛東高壤約十二三畝先農壇在馬壇上屋宇碑誌遺跡宛然其周圍曠地義塚壘壘不可勝數蓋凡路死貧民病故客旅咸厝於此其性質頗類給孤園僅無垣墉而已自民國七年官產處分設新境韓桐等以洋六十元購之成交後居爲奇貨遂墟其屋而沒其

碑賣土掘墳拋骸狼藉以故城關紳商大動公憤各捐貲財具稟請贖幸我縣長韓公鶴亭急公好義立即批准旋蒙駕驗屬實當堂飭令收價放贖取結立案永遠作爲公地庶可以洽輿情而慰幽魂嗚呼私產化爲公產利賴之賜關係非輕謹勒石銘記永垂不朽

岳武穆王廟在城東宋王庄南乾隆六十年嘉慶二十二年邑人趙珂兩次重修廟前舊有秦檜鐵像今存

邑人單名元撰邑東宋王庄有真武岳武穆王廟不知建自何時拜殿山牆中刻一石謂天啟三年重修真武大殿及武穆大殿四年修天將二殿並拜殿五年重修山門至乾隆五十九年秋沁水漲發將山門及兩旁火神土地二祠墻垣盡行冲壞次歲有邑賢侯孫公目此因嘆是廟不可廢乃請東村趙庄趙公

諱珂等協同閩邑捐貲修葺至修廟外台基掘得斷碣有字跡數行乃前明邑賢侯楊公於嘉靖二十六年創建二十八年告成蓋因邑之東關路衝卯酉故建是廟以爲保障也

邑人趙珂撰吾於南宋建炎紹興之間諸將相中得喻義之君子有二人焉一日李忠定公一日岳武穆王當金虜渡河徽欽北狩高宗南幸時君臣上下抱頭鼠竄非獻遣使請和之計卽陳幸閩航海之策求其有視中原爲祖宗之地金人爲君父之仇臥薪嘗胆始終以恢復爲心而不渝其志者諸相之中惟忠定公諸將之中惟武穆王爲相之道在用人不在自用故諸葛武侯有曰親君子遠小人先漢之所以興隆也近小人遠君子後漢之所以頹頹也當忠定公爲相之日首舉張所招撫河北宗澤留守汴京七十餘日之設施雖周宣王之方召漢光武之

鄧寇不是過也無奈高宗聽德不聽用君子而復以小人閒之
誤信汪黃自棄良弼致使金人渡江入杭攻陷州郡幾半天下
爲將之道以德義爲本戰陣爲末故周書秦誓有曰同力度德
同德度義一德一心立定厥功我武穆王爲將之日將和士悅
人懷忠孝智勇足以破劇盜之膽仁義足以懾金虜之氣所向
披靡闕若無人洎其平江廣復荆襄破楊么敗劉豫皆以少勝
衆以敵攻敵雖淮陰之用兵武侯之運謀不是過也未幾而戰
圍師逼朱仙五路之叛將盡爲我王之腹心兩河之忠義皆爲
我王之師旅於此而恢復舊疆迎還梓宮不啻發矇振落摧枯
拉朽耳嗚呼我王之義兵幾同虎賁之三千奸檜之逆謀竟發
金牌之十二從此而我師振旅金人猖獗向之簞食壺漿頂盆
焚香而迎者今則攀轅臥轍牽衣頓足而泣矣然吾於此更有

慨焉忠定公之見阻於汪黃我王之見阻於秦檜固所謂小人道長君子道消也何以張魏公忠心王室素具恢復之畧既牘忠定於前又犗我王於後竟使寢閣受命之志僅托諸空言以至履霜堅冰莫可救止魏公且安置於永州我王能無莫須有之冤乎嗚呼勸哉天耶人耶是天厭宋德終不欲其返旆而北也然我王雖屈其志於一時而伸其節於千古奸檜雖逞其惡於一朝而屈其膝於萬世天之彰善癉惡夫固毫髮不爽矣吾鄉爲邑之東偏一小聚落耳舊有我王廟一所不知創自何時想亦河朔遺民道我王克伐之武安撫之仁而子子孫孫思慕王德建廟以祀之亦如虔民當日感我王之恩無可圖報謹繪像以祀之耳迄今世遠年湮廟貌傾圯爰募四方之向義者各捐貲財而重修焉茲當請工告竣之日謹摭鄙見以勒貞珉敢

質諸好義之君子焉

東嶽廟在東關載舊志歲有修葺民國十年王相吉等釀金重修
三官廟在東門外載舊志今存

龍王廟在城北郊載舊志今存

蕭晏二公廟在民樂橋北河北岸舊志劉源潔記謂二公唐行人
死於海效靈於宋明弘治間建廟清初重修今存

太公廟在鳳岡載舊志今存

黃大王廟在縣城東北衛河北岸康熙五十年建雍正乾隆間迭
次修葺民國九年郭芸田等重修

邑人田芸生記黃河流域最崇河神曰大王曰將軍沿河都會
市鎮廟祀者不可勝紀而衛河至新鄉城東有兩大王廟皆金
龍四大王也北岸之廟則以黃大王獨顯夫黃大王福國佑民

靈爽式憑由明及清久著神異此廟則創自康熙年間歷雍正乾隆迭經修葺皆城關雜貨舖主其事民國以來年久失修拜殿傾頽山門亦壞藩拔級夷不蔽風雨仍由雜貨舖會商續修積貲鳩工歷三四年始得竣事翬飛鳥革棟宇喬皇一改舊日之觀頓形新猷之煥吾知入廟告虔者從此妥神靈而降享祀當益獲福祐於無窮也雖規制較狹於南岸而民和年豐神降之福安知異日不廓然大哉爰記其事以覘厥後是役也監工爲郭芸田勤勞尤著廟東偏有閒院一處三分七厘歷年租於本處居民得貲以供香火例得備書

如是庵舊志在河北岸即張司空縉彥別業依水園改建今存
闕張青興福寺不知創自何時元明清歷經重修今存

康熙七年金堡重修碑記或有問於予曰佛何人也予曰西方

聖人也或曰佛之可也聖人之不可也予曰佛之可也聖人之亦可也聖人之或不可也冠西方於上而聖人之何不可也或曰汝以寺爲天下之養濟院而聖人之乎予曰天下之寺有萬而養濟者不下十萬使無此也固足以生亂然此皆食佛者非學佛者予之聖人佛者不在是或曰如子所謂亂世人罪過多而妄想盛多歸佛以求贖求遂而聖人佛乎予曰世至於亂雖號爲世之賢人君子猶皇皇然常以他事自恐況以中人而處亂世其罪過可勝道哉靜言思之孰非可悔可疑可驚可愕者雜然於心目之中思得一自贖之術而一洒之且以中人而處亂世其妄想可勝道哉靜言思之孰非可艷可欣可歌可酣者乎是不得不追計生平之可艷可欣可歌可酣者雜然於心目之中思得一可取之術而一遂之當是時而一聞佛彼則以之

自救也彼則以之自遂也然此皆求佛者亦非學佛者予之聖人佛者亦不在是佛天資甚高以天地之二氣猶爲天地之私人間之五倫猶爲人間之私而其無私湛虛之象直以無極太極爲贅便是人而遇中國之聖是亦中國之聖而已矣惟其生而未至乎中國未嘗與中國之聖相師友是以爲西方之聖人而已矣然所謂西方之聖人者何也中國近東海爲東土東屬木木主生乃生地也其所生之人意念多而心思雜故治中國之天下則當形而下之禮樂刑政之大人倫繁重之務爲之制而其形而上者則當隱寓於中而不可以驟爲之語西方屬金金玉殺乃滅地也其所生之人意念少而心思純故治西方之天下則直以形而上者爲之語而不必以形而下者爲之擾佛生於西方卽以形而上者治西方所以爲西方聖人也且惟

其爲西方之聖人雖不可以治中國之天下而中國之人有同西方之人之意念少而思慮純者何不可以之治其心先正曰好佛甚者謂可以治天下固非惡佛甚者謂不可以治一心亦非此之謂也張青興福寺建於大元至正三年寺地四畝五分大清順治十八年會首閻君通等慮大清之人又如大元之人感而重修之以敬佛殿中金塑當陽佛一尊菩薩二尊羅漢十八尊且大元時殿前無月臺殿近山門僅二丈山門外又無井今割月臺長二丈五尺寬一丈五尺高二尺殿進移一丈五尺近山門三丈五尺山門前又鑿井池如此則似大清之人又勝夫元之人予慮其知敬佛而不知學佛是以有聖人之說又慮其知學佛而不知自量徒與食佛求佛者等也是以有西方聖人之說謹碑

大冀關帝廟在秦村營東漢堤旁道光初年廟附近尙有三五人
家今已遷徙無踪

大陽堤東嶽廟有萬曆九年重修碑歲貢生郭清泰撰文

永城店關帝廟有拜殿三楹不知創自何時乾道間兩次重修邑
人殷元福撰書楹聯見義精死生利害全空問漢氏誰能詣及存
誠至心曰天人一貫知河東具有真傳光緒乙未邑人王安瀾題
額直方大

玄帝廟在邑東南段家村康熙二十五年劉進儒建正殿三楹山
門三楹東廡兩楹道光二十五年增修穿山殿三楹北火房三間
西火房五間

玉帝廟在縣南朗公廟東山塑朗公像卽倉頡周圍三百餘步房
屋藏樓三四十間建自明宣德七年道光年間棟宇傾圯村人呂

天吉苦化重修今尙巍然

千佛寺在朗公廟西南隅因內有千佛碑故名創建無考明清歷經重修均有石記

天寧寺在邑東南二十里大堤南規制宏濶大殿工程尤巨創建無考明清重修均有石記

邑人朱希濂重修天寧寺碑記大堤之旁有古刹曰天寧寺邑中諸蘭若此地稱名勝焉金元明清數百年來其間之修而漸圯圯而後修者代不乏人今寺長老學文禪師余世外交也挂錫於此業已有年學精岐黃葯餌盡成法雨術湛診候方劑皆爲慈雲洵所謂大慈大悲最上乘禪矣宣統庚戌憫寺之殿宇復就傾欹但空囊如水無米難炊因請衆檀越同割錫銖之愛共分升斗之需而在坐諸公亦慨然應允樂勳盛舉遂約各村

之善男信士以福爲田既予唱而汝和因心種果遂積少而成多而禪師以孤雲野鶴之身負囊懸壺到處募化遂集貲九百餘千辛亥春鳩工庀材重興義舉大殿檁桷朽腐易以新材覆以舊瓦但一椽之木費錢千餘工亦鉅矣其中殿山門凡有損壞廣爲修葺惟左右兩殿摧殘特甚雖易新而仍舊實革故而鼎新而且聖像滅色重新列座之金庭宇就荒更砌中唐之壁惟鐘樓一所未經修葺雖存遺憾計工所費尚有餘貲二百千付之禪師以圖再舉故紀其崖畧立石示後用垂不朽云

祖師石廟在文營村南創建不知何時光緒間重修碑邑人張士貞序

定覺寺在縣西水東村唐開元間創修後經天災兵燹幾廢惟幢寶塔尊聖經古跡存焉明永樂乙酉李整重修正統天順間李秀

李昭重修大雄寶殿逮萬曆至清屢經修葺鳥革翬飛不異於昔
三崗鼎峙於前衛水環繞於後亦勝境也

龍泉寺創建無考大明萬曆四十七年己未住持惠做重修張炳
之役聚衆於此故廟址沒於灰燼而碑碣不存今惟有斷瓦殘磚
而已

八柳鎮觀音寺載舊志今已邱墟惟嘉靖康熙間重修碑誌尙存
八柳鎮三清觀在南門內路西正殿三間廂房十餘間鐘樓山門
周圍垣牆不知創自何時乾隆二十二年重修今設廣育國民學
校於此

八柳鎮關帝廟在西街路北正殿三間拜殿三楹舞樓一座創建
無考順治康熙道光緒歷屢重修有碑

西陽興黃龍廟正殿三間山門垣墻洪武初建隆慶天啟乾隆光

緒歷屆重修有碑

沈家營三仙宮創建無考自明萬曆三十三年以來屢經重修均有碑記

絡絲潭觀音堂明隆慶六年李來襄王登科王允中創修民國四
年重修今尙整肅

馮石廟舊志在固城東二里今無考

聖國寺原名定慧在縣西三十一都百耕營卽周王庄村人廢而
不修今歸東百耕營首事經理

中召三仙廟在寨東門內創建無考自明萬曆二十九年以來屢
次重修

中召玄帝廟在寨東北門內明萬曆十二年創修

八里營三官廟明萬曆二十二年邵一太孔時楸創建

永慶寺在縣西八里營東偏里許普濟橋東係明山東青州府益都等縣人遷居新鄉於萬曆二年倡率鄰村創修

三台庵在縣東南三台頭村清康熙二十五年建有邑人劉源潔碑記

三教堂在縣西南五任旺村不詳建於何時傾圮無存惟荒址可証宣統三年春夜現宅舍有老者止過客宿五更客起行瞬息之間頓成曠野客知有神佑材衆異之議捐貲重修五任旺村倡首修大殿三楹民國三年告竣

店後營關帝廟創建無考兩廡廣嗣殿張仙殿創修於萬曆二十四年

店後營觀音堂地藏十王殿創修於明萬曆元年

大家店崔府君廟舊志創修於宋至和元年今存有大宋護國顯

應公廟碑郭長民撰并書

唐馬村興國寺舊碑極多字跡漫漶光緒十三年重修民國二年又重修

邑人張士貞記新鄉縣西偏有淨土焉曰興國寺在唐馬五村之西創於太平興國年間踵而修者屢矣光緒八年冬寺僧以重修請因庀材鳩工增新補舊至光緒十三年而工竣囑余爲文以誌之余於佛法未有所得但就正史所載者言之東漢明帝八年遣蔡愔等入天竺得佛經四十二章及還建白馬寺釋氏摩騰等遂入中國此佛入中國之始曆代或興或廢姑不具論其爲人所共知者蕭齊之范鎮李唐之傅奕韓愈皆嘗痛詆佛氏少事詩書者皆知之何以由漢以來二千年間其教卒不能廢必有說焉以處此意此曆代君相神道設教之意今世教

既衰民不興行借此以補政教之窮而釋氏輪迴因果報應之說始中於人心君相因其心之易明者設爲佛氏像教以警末俗而揚人心此宰世者別具深心而未易爲俗儒執一者道也寺成而升堂入室瞻仰膜拜見佛像莊嚴如天地鬼神昭布森列而善念以慕而生惡念以畏而止真如幽隱之申皆有神明鑒察此轉移人心之術卽輔翼世道之方因而新之亦其宜矣其踴躍輸金首事贊襄之人皆書之於碑所以爲好善者勸至於翻譯禪經顯揚佛教此釋氏之事非吾所能詳也寺成因撮其大畧以序

錢公祠一在城內古鄗書院正殿三楹現充高等小學校講室一

在城南趙村乾隆五十八年以減徵礮地糧米創建大殿東西偏殿東西廂房山門樂樓計二十餘間中祀錢公汝棻木主及繪像

邑侯張敦緒以裁正礮糧熊奉章以裁免十八都號草均陪祀邑人王際平孫日榮李榮祖張大鯨李學禮王居仁孫建侯王發輝皆因在事出力從祀祠內道光間知縣牛步奎光緒間知縣熊奉章會首張希周先後重修

安邑牛步奎前新鄉縣令嘉興錢旣齋祠宇記蓋聞種德茂於及物而興利莫先除苛古稱安靜之吏惻愍無華而事關民瘼則惓惓軫懷司馬遷傳循吏首薦敖國僑敖於百姓不便之令復之德教漸洽僑爭輕幣人士歸心我朝慎選牧令重親民之官欲利病不壅於上聞也若前邑令嘉興錢旣齋先生其勤恤民隱盡心司牧者乎先生籍隸嘉興府世有令德乾隆丁卯登賢書辛卯分符鄜南問民疾苦城南有礮地千餘頃民苦歲租無出先生勘驗得實詳憲入奏蒙恩永蠲其賦煩苛既除

追呼不擾以興化導則躬宣聖諭問晴雨則祈報維虔清庶獄則案無冤抑聯保甲則戶無流亡懋著廉能擢升司馬瀕行之日攀轅臥轍留之不得乃建生祠兩處一在城內書院之東一在城南十里趙村村城內限於地仍其舊趙村則增修大門三楹二門一楹爲東西廂貯祭器又建樂樓一所爲旃纓妥伯地噫先生卽世已二十餘年矣非遺愛入人之深何俎豆馨香久而彌芳若此抑步奎尤有感焉先生勸詳乞恩爲分所當爲非以沽名邀福也而祠宇增新有子三人皆登進士高第長爲郎官上應列宿仲督學滇中季戊午典試湖南道經新鄉入官舍行不中道至少侍養所色戚然名業原於孝德益歎先生之垂裕者方與未艾也人亦有言廉吏可爲而不可爲由是以觀其可爲其不可爲乎嘉慶元年步奎以親老告近授任新中越三年

戊午冬、邑人修祠蕪事請爲記既次其實敬賦四言十二韻於
後曰親民之吏恬養是司痾慄一體念釋周咨有田如石匪畚
匪畚不耕不穫貢賦無資征輸爲累民苦力疲宰親曆勘詳懇
弗遲皇仁下逮永沛恩慈婆心一片次第推施人懷惠愛世世
謳思重新祠宇千載芳垂凡百君子此意可師私心嚮往規切
來茲

長白鄂山重修錢公祠記新鄉城南趙村有錢公祠馬公於乾
隆辛卯夏來宰是邑明年冬遷安慶司馬以去蒞任僅年餘而
民心乃久而不忘也斯何故哉蓋公之爲政務在愛民表露行
恤刑獄嚴保甲教養兼施凡事之便民者靡不舉先是康熙間
邑頗有水患沙積土礮田不可墾者三百餘頃賦無所出往往
責近村富戶以償民苦其擾公下車之日見獄中多以逋賦被

繫者廉得其實惻然憫之以爲盡免累年之積逋猶無益也必
永蠲其額而後民困可蘇乃躬自履勘詳請於大吏中丞何公
具章入奏部議不許事幾中寢公又力請至以去就爭何公乃
復爲申奏於是奉特旨俞所請嗚呼聖天子懷保惠鮮行不忍
人之政固靡幽弗燭靡遠弗屆矣亦由良有司之勤恤民隱俾
不壅於上聞也百世之祀不亦宜乎公諱汝恭字雨時一字旣
齋浙江嘉興人刑部尚書贈太傅文端公仲子歲丁卯舉京兆
試丁丑就挑始仕江南曆高淳江寧流陽興化丹徒諸縣所至
有惠政如在流陽亦嘗減賦額以振貧民折運費以省轉輸又
開柴米河以通食貨其在興化一日理積案二百立捕盜法擒
其魁使互相糾擿黨徒解散具詳於江南志乘中公自去茲邑
抵皖未幾丁太傅艱歸里以哀毀卽世而公諸子先後第進士

爲郎官翰林曆中外皆有清譽是則廉吏有後天道不爽世有蒞民之責者益當憬然於爲民興利除害其遺澤爲無窮也曩乾隆庚子先大夫方宰長興分校浙闈得公仲子漆林檢討卷登於賢書迨予丙辰會試又出公季子雲巖學士之門兩家世相契故知公行事稍詳今年二月予奉命廉訪中州入境訪公遺祠蓋自邑民建以來蒸嘗弗替六十年於茲嘉慶戊午前邑令牛君步奎嘗一葺之爾來又二十有七年矣乃借今邑令胡君謀所以新之者爰出俸金鳩工庀材而邑之士民不忘公之遺愛踴躍子來百堵皆作丹雘一新不數旬而事竣夫安民之道必始於吏治而吏治之興必有一二賢哲鉅儒倡導於前以爲矜式乃相與觀感興起敦勉於弗替然則是役也庶有以裨風教於萬一而豈徒一家淵源之私也哉敬據公遺事勒諸

貞石以勸來者

奉新許振禱重修祠記新鄉南十里趙村錢君祠一再修於嘉道之初元西捻張總愚之熾也趙村迫孔道祠稍稍燬捻平河北復大旱祠之祀益落庚寅四月余奉命督河事適新鄉令熊君因民之請政和年豐報德賽功婦子畢至經營勸工以七月始十二月卒祠之圯者復治夷者再植而錢君曾孫應溥亦以其時擢禮部侍郎新鄉之人搏黍椎牛奔走於祠喁喁而祝君子孫之昌也先是乾隆間新鄉礪地凡二千畝有額稅歲不足責之富民以償錢君既下車一再以去就請大吏以聞稅得免民爲立祠最近礪地之趙村余維戎馬所經水旱沴氣所蝕其蕩爲墟燼者物莫不然而惟仁聲之入人深獨有以維之則夫熊君之復斯祠其亦思有以入人之深也錢君諱汝棻字蕨齋

嘉興人乾隆丁卯舉人後遷安慶府同知銘曰惟二百年祀益
昌神之膏兮油雲翔榼楸有烏甕煒煌厥陳蕉荔雜丹黃祝豐
穰以衍流慶

按錢公祠有祭田七十畝共八段係道光二十七年公孫翰林
院庶吉士儀吉置田三十餘畝光緒十八年公曾孫禮部侍郎
應溥又置田三十餘畝以備祭祀修理之費民國二年民政長
王祖同咨行飭縣實力保護此項祭田不准率提存案有卷經
理首事張文彬陳玉寬李泰張文憲張文績陳守具張立德李
香全魏觀書特誌之以備考

祝公祠一在鄔南書院一在九都永康村咸豐十年建

邑人衛榮光撰德政碑文自古能牧民者必得民心而能得民
者必順民情樂只君子民之父母君子也而何以謂之父母哉

大學詳推其義以爲好民所好惡民所惡孟子亦曰所欲與聚所惡勿施然則順民情以圖治乃古聖王平天下之大道亦卽賢宰使化一邑之要務也若吾邑侯祝公其克有以當此矣公名壇字爽亭陝西安康人弱冠舉進士曆任太康溫邑所至有政聲咸豐五年夏五月來守斯土適值土匪之變公以孤身端坐堂上見危不避其大節昭昭在人耳目如此後土匪圍城公率衆堅守月餘而援兵始至方官軍之壓境也其時有疑其黨匿城外欲盡焚燒附城民舍公熟察其情形力請於上憲而民舍卒賴以得全且又嚴示壯勇緝獲匪類不得波及無辜有敢犯者必以重法繩之善良由是無虞蓋大亂之後不數月而旋致清平者公之力也洎人心已定乃慨然修綱紀布政教以爲善後圖新邑共三十六都前後兩所公周覽四境喟然歎曰制

治之道其在斯矣是冬每都每所選擇都正衛正數人明年春編保甲立鄉約自約長以至里長自里長以至牌長上下相聯咸有統率每月之中令各約兩次宣講聖諭鄉人環聚而聽而公亦時親曆其間剴切指示無善不獎無惡不除以故奸邪遁跡頑懦從風雖婦人女子亦皆知孝弟之當盡禮義之當行也則公之德意誠有家喻而戶曉者矣邑舊有書院而規模狹隘公因其舊制徐爲擴充身率士子登講堂討論四書講義一以正誼明道爲己任課試之餘復時與諸生商榷政事蓋公之心無一日不在民無一事不爲民故凡都人士以公事來謁者雖夜深未嘗不衣冠而見之也其性情則樂於任重其精神不憚於理煩計其宰吾邑者前後僅四年餘而無利不興無害不除至如折獄訟禁娼賭減差徭立義學開糧戶過割通河道淤塞

其善政尤有不能枚舉者蓋自保甲既行以來公於四方之民直如一家之人朝夕聚處其父母之愛其子無已時而公之愛其民亦無已時也九年春三月上憲以公才幹精明德器沉重復調署陳州太康民不能留其去而不忍聞其去去之日百姓爭攜酒食祖道東門外先後攀轅環而送者數萬人公泣民亦爲之泣公於民情之相得也不於此有明徵耶古稱召杜若公者何多讓焉是歲十月之望聞公已任歸德郡守閩邑紳耆慮公之教澤久而不傳也相與勒石記其實蹟因李君明湖馬君健堂請序於余余備位詞垣留滯京邸非與公素有殷勤之誼而吾鄉人北上者咸爲余述其德化余夙深渴慕樂公之政教有成而喜爲天下後世道也故撮其要以敘之

邑人李向榮創建祝公生祠記天下治安在牧令令賢則邑治

令無不賢則天下治夫古今稱賢令者類不以一邑視一邑而以天下視一邑其所以治一邑者卽其所以治天下者也其表見於天下者在異日而未有不先卽一邑發其端者吾新鄉邑侯祝公名埲字爽亭號體微陝西安康人弱冠舉進士卽以濂潞關閩之學自勵咸豐五年夏五月由太康蒞任茲邑適值土匪作亂士民望公如望歲及公至匪黨聚衆圍城公請兵剿滅誅首惡殄渠魁不數月而難遂平當賊匪初破其時官軍壓境玉石難分而公號令嚴明刑罰必中以故凶惡授首而吾邑百姓不聞有無辜之人而偶罹法網者則公之力也是冬擇都正明年選約長編保甲立鄉約乃刊刻聖諭十六條頒諸三十六都前後兩所每一月內令鄉人會講兩次無善不勸無惡不懲是以強不凌弱衆不暴寡行之期年而邑中大治至於課試生

童立義學減差徭清釐訟獄嚴禁娼賭凡所設施靡不盡善政
令之暇遍曆四境諭知九都永康地濱丹河河側多灘地勢甚
窪下引河灌田歲可多獲麥數千石曰此自然之水利也亟創
其工令民挑渠築堰時修邑商人頗相牴牾訟其事於上憲公
聞之命趙君迓等力持其間而又條陳地利上聞由是訟遂寢
噫是役也非我公之精明無以開其始非我公之果斷亦豈能
成其終哉九年春三月復調署太康縣遂解任去去之時百姓
涕泣遮道爰設公生位於古驛書院遂瞻依焉閩君三重趙君
迓等首倡議謂公澤在吾里尤不可不傳於此地也因卜宅於
洪慈寺東而爲公立生祠其中於是此都之人爭懽趨焉逾月
而工告竣是年冬又欲圖公小像以盡仰慕之誠趙君秀元趙
君履中王君學周等因省公於宋郡時公已擢郡守矣揜慮方

熾公參贊軍務大破賊於宋之東南鄙聞公當戎馬倥偬之際
每見吾鄉人詢吾鄉事甚詳然則公不忍一日忘吾鄉吾鄉更
安能一日忘公哉公平時探討經義研究性理意度恢宏踐履
篤實力足任重而事不畏其難心能耐勞而政不倦於久今日
者恭膺簡命觀察直隸大順廣三郡文經武緯功業益宏而於
立教勸學詢民疾苦懇懇勤勤一如當日之治吾邑者夫以公
之德之才上契至知行見進屏藩遷開府盡展所學爲朝廷柱
石之臣副海內蒼生之望固吾鄉所素望於公亦公平生所自
期者而豈有涯哉是皆可於治吾邑者預卜之也

張金玉祝四公祠在朗公廟千佛寺東祝邑令張敦緒金潤生王
賜谷祝爽亭四公年久失修僅存其址

按此係嘉慶二十一年奉旨豁免劉灣三王庄楊興等村沙壓

地丁四百八十餘頃張金玉三公之力居多祝公則免派該村
長車十二輛鄉民感之亦附紀焉

白衣觀音殿在李大召村同治六年重修有司東懷碑序

義勇武安王廟在中召村元大德八年城成臧林等建明弘治戊
申臧榮部俊賈福等重修有郡人劉璋碑記

崇壽寺在陳堡創於明初清順治五年重修有殷元福碑記

百官寺在縣北周常王三魯堡之間山門外右有齊碑一僅存上
半高七尺寬約三尺餘大齊天保九年歲次戊寅二月八日魯思
明敬造文爲魏體極佳遠近搨印者甚多碑頂刻龍頭二背有石
像三山門外左有石塔一中有神龕刻石像三龕外鐫字大唐開
元八年立見金石志寺中佛殿有明重修碑二一係正德二年建
一係崇禎十五年建字體文詞均極端好有清屢經修葺廟貌巍

然

丘台寺在縣北五陵村不知創自何時有大魏正光三年正光四年造像二見金石志明萬曆二十六年清康熙間兩次重修光緒六年春大殿傾欹村人釀金又重修

定興寺在王門村外西南隅考王門即古王明鎮此寺創建不知何時自唐開元曆宋元明迭經修葺有萬曆三十六年重修佛殿碑記

龍王廟在五陵村西龍岡上有明嘉靖時重修碑三統士人遂名其地曰三統碑清同治九年重修又立碑一邑人文炳撰文

關鎖金燈寄母寺在金燈寺村東北隅創建不知何年有明嘉靖十五年重修碑記

南張門黑龍廟不知創自何時有萬曆二年四年重修碑記邑人

張春撰文